

# KA PUNG KA JINGIEIT

DA  
U Kitbor W. Nongrum





# KA PUNG KA JINGIEIT



*da*

U Kitbor W. Nongrum.

MAWRI, MYLLIEM

Ka sien shon kaba lai (1981)

[ *la ki hok long trai la tyngkai* ]



REFERENCE  
Not to be Lent out

# Ma Pung Ka Jingieit

## KI JINGKDEW

1. Ha Ki Nongpule - Kitbor W. Nongrum i - ii
2. Ka Jingkynthoh - S J. Duncan, I.A.S. (Retd) iii - iv
3. Ki Kyntien Kynpham - Dr. R.S. Lyngdoh iv - vi

★★★

- I. Ka Pung Ka Jingieit 1 — 59
- II. Ka Jingieit Ba Tang Shipor 60 — 65
- III. Ki Sur Pangnud (Ki Poitri) 65 — 68

(a) *Nga Khiih Pisa*

(b) *Phla Hok Ha Nga*

(k) *Nga Mut Jingieit Phin Iai Kheih Kor*

(d) *Na Ka Un Khlad*

- IV. Ngin Sa Ia Shem Pat 68 — 71

★★★

— 1981 —

Library books will give you Joy for Long  
If handled carefully with clean hands.

## HA KI NONGPULE

(i) Ka sienshon kaba nyngkong — 15 tarik u Kyllalyngkot (January) 1973,

Kumba ka paw mynta, ka thoh ka tar Khasi ka la nang iaid shaphrang bad dei kane kaba la pynlong ia nga ban shim ia kane ka kabu ban jam sha ka thoh ka tar Khasi.

Ha kane ka kot, *Ka Pung ka Jingieit* kaba kynthup artylli ki jingiathubkhana bad sawtylli ki poitri, nga kwah ban iathub shaphang ki jingjia bapher bapher kiba ngi ju iakynduh man ki por. Nga la pynwan ia kine ki jingiathubkhana ha ka dur ka prose ne novel.

Nga pynpaw hangne ia ka jingsngewnguh bad sngewhurom kaba khraw ia I Bah S.J. Duncan bad I Prof R. S. Lyngdoh, Speaker, Meghalaya Legislative Assembly kiba la pyllait por khnang ban ai buit ai mynsiem lem bad ruh ban kynthoh de artad halor kane ka kot Ki dang ial pynshlur ruh ia nga ba ngan ym shongthait, hynrel ban nang ksaid shaphrang ha ka ban pyniar ia ka thoh ka tar Khasi.

Ngam lah khlem da pynpaw ia ka jingsngewnguh ia I Bah Donkumar Kharlukhi iba la klooi ban pyllait por khnang ban dro pynitynnad ia ki dur kiba don ha kane ka kot. Kumjuh ruh ia I Bah B. M. Rodborne, Secretary, Literature Committee, K. J. P. Synod iba la iarap lem ha ka ban pynioh ia ki blocks.

Nga sngewsih ban pynpaw hangne ba hadien ba ngi la pule bad peit bniah ia ki proofs, hynrel dang don hi ki jingbakla hangne hangtai kum ha kaba spel dak ne pyniasoh ia ki kyntien. Nga ngeit ba ha kawel pat ka sienshon ngin sa pyrshang ban pynbeit bha.

Khatduh eh nga leh sa ha phi ki nongpule baielt ban ia pyllait por khyndiat ha kaba pule bad puson ia ine I jingpyrshang barit jong nga.

*Dated : Lummawbah,  
Shillong - 793005  
The 15th January, 1973.*

**Kitbor W. Nongrum**

(ii) Ka sien shon kaba Ar — 14 tarik, u Kyllalyngkot (January) 1974

(iii) Ka sien shon kaba Lai — 14 tarik, u Nallar (Aug.) 1981

Nga dap da ka jingkmien haba nga iohi ba ki nongpule kot Khasi ki la nangiabun labun katba nang mih ka por, lehse kane ka long na ka jingthrang, ka jingsngewieit bad ka jingñiewkor jong ki ia la ka jong ka ktien. Lada ka jaitbynriew ka don kum kane ka jingsngewthuh khlem pep ka thoh ka tar jong ngi kan nang iai kiew irat.

Kumta nga shim la kane ka lad ban pynmih blang ia kane ka kot— *Ka Pung Ka Jingieit*. Toi ha ka jingshisha nga la dei ban pynmih kham mynshuwa, hynrel na ki daw bym lah klar ngam shym la lah ban leh kumta. Nga kyrmen ba ha kane ka sien ba mynta, kane ka kot kan ioh lad ban rung haman la ki rympei u khun Khasi - Khara.

Ha kane ka sien shon kaba lai nga la pynrung ruh sa kawei ka bynta - "Ngin sa ia shem pat".

Nga pynpaw ia ka jingsngewnguh bakyrpang la kito kiba la loh pule ia kane ka kot (ka sien shon kaba Nyngkong bad ka sien shon kaba Ar) bad kane hi ka la ai mynsiem lypa la nga ban pynmih blang ia ka. Ka jingsngewnguh kan leit ruh sha kito ki nongpule ki ba hadien.

Ka jingsngewnguh ba kyrpang ka leit ruh sha ka Sorkar Jylla (Education Department, Government of Meghalaya) kaba la al jinglarap ha kaba shon ia kane ka kot (Ka sien shon kaba Nyngkong 1973) bad ruh la ka jinglarap ban ai ia ka kot sada shiteng dor ban shon ia kane ka sien shon ba mynta. Kumjuh ruh, ka jingsngewnguh ka leit sha ka Khasi Hills District Council, Shillong kaba la pynnoh lem katto katne ka jinglarap ha ka jinglut jingsep ha ka ban pynmih ia kane ka sien shon ba mynta (Ka sien shon kaba lai).

Nga ai khublei la baroh kito ki nongpule kiba la ia ai mynsiem lem halor kane ka jingpyrshang jong nga bad nador kata ki da ia pynshlur ba ngan ym shongthait hynrei ba ngan iaiksaid shapbrang ha ka liang ban pyniar la ka thoh ka tar Khasi.

Mawri, Myllem  
14 tarik, u Nallar (Aug) 1981

Kitbor W. Nongrum  
U Nongthoh

## KA JINGKYNTHOH

Nga la ioh ban pule la *Ka Pung ka Jingleit* kaba kynthup ar tylli ki *Jingiathuhkhana* bad saw tylli ki Poltri da u Bah Kitbor Nongrum. Ka long ka jingkmén kaba khraw ban ioh ba ki samla jong ngi kim shu pun shuh tang ba lade la kael kaba ka jabieng bad ka dohnud jong ki ki don ban ai sha ka Thoh ka Pule Khasi, hynrei ba ki la nang lamih madan ban ai la ki jong ki jong ki jaid jingal ban nang pynrol shuh shuh la ka da ki jingthoh jong ki, kum kine ki jong u Bah Kitbor mynta.

Don artyli ki *jloglathuhkhana* "Ka Pung Ka Jingleit" bad "Ka jingleit ba tang shipor." Ki kyrteng jong ki *jingiathuhkhana* ki pynpaw ba ki dei tang shaphang ka Jingleit, ne kumno ka trei ha ka dohnud ki samla ha ka rukom kaba pher ba pher,

Ha kaba nyngkong, "Ka Pung Ka Jingleit", don shi-para, u Phrangsngi bad u Donsngi, kiba shong ha nongkyndong. U hynmen, u Phrangsngi, u trei la ka rep ka riang ha la shnong bad u para pat, u Donsngi u shong College ha Sor Shillong, Kawei ka khynnah samla, ka Darihun, ka shong ha Shillong, kaba la pule College lang ka la ithuh bad u Donsngi, bad suki ka pol haduh ba u la icit la ka. Ynda ka Darihun ka la lait na College, ka loh la ka kam hikai ha kawel ka skul kaba sha nongkyndong, bad ka leit noh ban trei kam shata. U Donsngi, ba um pat lait, u sah ha Shillong. Ka leit jia ba kata ka skul ha kaba ka Darihun ka leit hikai, ka dei ka shnong jong u Donsngi hi, hynrei kam shym tip la kata shwa ba kan leit. Ha kane ka shnong ka iakynduh pat ia u Phrangsngi, bad suki suki ka kylla leit noh ia u, khlem da tip ba u dei u hynmen jong u Donsngi.

Ha "Ka Jingleit ba tang shipor" u Russian, u khun rlewspah u ibha bad u la leit bad ka Sunitallo, ka khun baduk. Hadien ba ka jingialeit ka la ih bha, u Russian u iehnoh dak la ka namar ba ki kmie ki kpa jong u kim mon bad kim shah ia u ban shong kurim ia ka briew kaba



na ka ting kiba duk. Ka Theme ha kane ka bud la ka jinglathuhkhana pateng kaba ym ju lap, shaphang ka Soh-lyngngem bad u Rynñiaw.

Ki nongpule kin sa shem hi da lade hadien ba ki la pule la kine ki jinglathuhkhana kumno ba u Bah Kitbor u pynlaid ter ter la ki jingjia, bad kumno ban pynkut la ki baroh ar.

Nga khmih lynti ba u Bah Kitbor un nang thoh shuh shuh ki jinglathuhkhana kiba kham jrong bad kiba nang kham sngewtynnad shuh shuh.

Pheridale,  
Meghalaya,  
Upper Shillong.  
Shillong 5,  
2nd December, 1972.

S.J. Duncan

---

## KI KYNTIEN KYNPHAM

Haba ngi blshar la ka ryleng rynlot jong ka thoh kot thoh sla jong u khun Khasi, ngim lah khlem da sngew sarong ba tang hapoh ka rta kaba tang 160 snem ka la lah ban la kynjob sha ka kyrdan jong ka jinglong ba nyngkong napdeng ki jaid ktien riwlum kiba don ha kylleng ka ri India. Nga tharai ngan ym bakla lada ngan ong ba ka Khasi Literature ka la poi ha ka kyrdan kaba nyngkong hapdeng ki jaid ktien Mon-khmer kiba don ha kylleng jong ka South-East Asia.

Ki nongthoh prose ha ka ktien Khasi, ha ka spah snem kaba la dep ki kham pynlut por la lade tang ha ki kot ki sla kiba iadei bad ka niam Khristan. Kane ka leit jia long namar ba kiba kham bun na ki nongthoh jong kito ki por ki dei ki Sahep Missionary kiba don tang kawel ka jing-

thmu bad kata ka long ban pynphriang ia ka niam Khris-  
tan hapdeng u pald Khasi-Khara. Ngì dap ruh da ka  
jingsngewnguh ia kiba ki la pynmih ia ki kot ba bun jaid  
na ka bynta ban pyndonkam ha ki skol.

Shwa ban kut ka spah snem bs la dep ngì iohi ia ka  
jingwan mih pyrthel jong ki rangbah Khasi kum ki nong-  
thoh ba radbah. Hynrei kine pat ki rangbah Khasi ki sañ  
dur ia ka thoh ka tar Khasi tang shaphang ka rukom pyr-  
khat u Khasi halor la ka niam Khasi tynrai, halor la ka  
Akor Khasi bad ha la ka pyrthel ki puriskam, ki purinam,  
ki khanatang, bad ki parom. Don pat ruh napdeng jong  
ki kiba la pyrshang ban buh jingthoh ha ka ktien Khasi  
ia ki jingpyrkhat ba jylliew kiba don ha ka Sanskrit Litera-  
ture. Naduh kata ka por haduh kine ki sngi kiba hadien,  
ki nongthoh Khasi ki la bud dierjat ha ka nongrim ban  
kysiew ia ka mynsiem Khasi nylla bad ban pyrsad mynsiem  
ia ki longdien da ki matti ba la seng u ñi u kong bad ka  
mei ka 'iaw.

Ngì lah ban ong ba ngì la nang riewspah ha ka  
liang ki jingthoh kiba iadei bad ka niam Khristan bad ka  
niam Khasi, bad kumjuh ruh ha ki jingthoh kiba iadei bad  
ki puriskam ki parom, ki purinam. I Babu Jeebon Roy  
Mairom, I Pahep Rabon Singh Kharsula, I Pahep Radhon  
Singh Berry jaid Dkhar, I Bah Sib Charan Roy jaid  
Dkhar, I Babu Soso Tham, I Dr. Homiwell Lyngdoh  
Nonglait, I Rev. Fr. G Costa, I Rev. Fr. H. Elias bad I  
Babu Primrose Gatphoh ki la long ki rishot ki bahtym-  
pha, ki khnong ki rijed ha kane ka phang ba la kdew ha-  
neng. Hynrei ngì dang duna shibun ha ka liang ki Essay,  
ki Fiction, ki Short Story bad ki novels kiba long ki tnum  
ki pyniar jong ka prose.

Nga sngew kmen shibun ban iohi ba naduh ka snem  
1960 ka Khasi Literature ka la sdang ban iar ki tnat ha ki  
liang baroh. Ki rangbah bad ki samla jong kane ka pateng  
ki la im sngi shisha ban pynpaw pyrthel ia la ka jaid byn-  
riew lyngba ki tnat ba har rukom jong ka Literature. Nga  
sngewkmen ruh ban ioh pule ia ki artylli ki jingiatubkha-

na lyngkot ha ka kot, *Ka Pung Ka Jingieit* ba la thoh da u Bah Kitbor W. Nongrum. Ha ka jingiatuhkhana kaba nyngkong, "*Ka Pung Ka Jingieit*" ngi lah ban iohl ia ka jingitbit u nongthoh ban saifi dur ia ka nongkylliang jong ka jingim hok bad jingthmu ba bha kumba ioh mad u Bah Phrangsngi bad I Kong Darihun. Ngil lah ruh ban iohl kumno u Bah Donsngi u hap ha ka raibl jong ka jingim ba thala jong ka juk mynta. Ki jingsngewbha ba thala jong ka juk mynta ki thaifi snur thapbawa ban pynngat ia ki samla jong ka juk mynta. Wei la ngat shisen, la eh ban bhat na u kynjri jong ki rong ba thala jong kane ka juk. Ha ka jingiatuhkhana kaba-ar "*Ka Jingieit* ba tang Shipor" ruh, u nongthoh u pynpaw ia la ka jingitbit bad sei ia u ksai jong ka Sengnia ia ki kyrnit ba har rukom kiba teh ia ka dustur Shongkha shongman u khun Khasi khara, khamtam ha ki por mynta.

Nga don ka jingngeit kaba skhem ba kine ki jingiatuhkhana kin pynkyndeh ia ki nongpule bad kin iohmad ia ka umngap umthiang jong ki jingsneng ba la seng ki kni ki kpa ha ka jingim jong ki, khamtam ha ka riti shongkha shongman, ban ym slaw khlem da tip ha i kur i jaid. Ki longdien ruh, khlem artatien, kin peit iit dorbin ia ka jinglong jingim briew ha kane ka juk lyngba kine ki artylli ki jingiatuhkhana ba bang.

Ngam artatien ba lada u Bah Kitbor un ial minot thop ha kane ka kam ba kyntang un sa lah ban saifi dur ia ki novel kiba long ki dak jong ka jingkeu kyrdan jong ka Khasi Literature sha kliar lum khnang ba kiwei pat ki jaid bynriew ba dang sah dien. Nga don ka jingkyrmen kaba khraw ia une u samla. Nga kyntu te ia u Bah Kitbor ba un ial bieng ter shi ter ia la ka kam bad un nym sangeh noh ha shiteng lynti.

Dated : Shillong,  
The 12th January, 1973

Prof. R S. Lyngdoh, M.A.  
Speaker,  
Meghalaya Legislative Assembly



# I. Ka Pung Ka Jingieit

## Ka Bynta : 1

NADUH ba dang lung ka sngi u bnaï bad ka pyrthel ruh kam pat kham shai, ka jingim u nongrep shisur ha u ka don ban pynleit por bad ban trel minot tang ha ka rep ka riang kumno ban roi ban par la u symbai u rnaï bad ban dap ban shlei ka thiar ha la i trep.

Tang riew u 'iarnyngkong une u nongrep u khreh ka ham ka dih nadong shadong. Katba ka sngi ka dang shat lyngba ki tnad dieng ha ka pyntha bajyrngam, u la mih na i trep ryngkat bad ki masi ki blang sha lum ban leit pynbam phlang. Kumjuh ruh u leit ban pub ban daiñ ia ka lyngkha baiar ha kaba u la rep bun jait ki jingthung. Ka jingsmat jingsting bad ka jingtrei minot ka la pynlong ia u uwei na ki nongrep bakhrav. Ka nam jong u ka la phriang kylleng ha kata ka thaiñ namar u lah ban pynmih shibun ki jait jingthung bakynsai na kata ka lyngkha baiar.

U ju leit die ia la ki mar rep jong u sha ki ~~low~~ ha kata ka thaiñ bad shabar. Ha kane ka jingieit jong u na kawei ka jaka sha kawei pat, ka la pynlong ia u ban iapmat ia kawei ka 'thei bhabriew na kawei ka shnong. Kane ka jingthmu jong u ka la long kaba jop ha kaba ma ka ruh ka la pdiang ia ka jingtyrwa jong u. Kine arngut ki la lapoikha ha ka hurom. Ki la long ki briew kiba imsuk imsaïñ bad kiba dem minot ha la ka kam ka duk jong ki.

Ki sngi ki ia ki la nang laid na kawel ka por sha kawel pat. Ki la ioh arngut ki khun shynrang, uba nyngkong u kyrteng u Phrangsngi bad u Donsngi uba hadien. Kine ki khyllung hapoh ka jingri jingsumar ki kmie ki kpa jong ki, ki la nangeh nangsang haduh ba ki la kylla long kiwei na ki khyannah ba i shynrang bha ha kata ka thaiñ. Ka khmut ka khmat bad ka rynleng ka ryniot jong ki ruh ka iasyriem bha bad bunsien ka ju pynbakla ia kito kiba iohi teng teng. Naduh ba ki daugrit ki la pynpaw ba ki long ki khyannah kiba smat basting kum u kpa. Ka jingdon jingem u kpa ka la pynlong ia ka jingmut jingpyrkhat jong u ban pynnang pynstad ia la ki khun. Ka jingim jong kine kine ki

khynnah ka la long ka jinglm ba tang shlsur. Ki la long  
rub kiba stad shibun ha ka liang ka jingpule ha skul.

Kumne tang arngut hi sha skul pule ki krlh ia jing-  
stad ban tib. Tang lait na skul ki leit bran bran sha la iing  
ban trel ki kam lyngkhot lyngkhai ha iing ha sem bad la ka  
kmie kumjuh rub sha lyngkha bad la u kpa:

---

## Ka Bynta : 2

HA kawel ka angl jong ka lyur u Phrangsngl bad la  
ka kmie ki la khreh na iing bad la ka khob u star ban leit  
thoh dieng sha khlaw. Shuwa ba kin mih na iing, u Donsngi  
uba dang hynriew snem shiteng ei ei ka rta ha kata ka por u  
la iam pangnud haba ka kmie kam shym la ialam lang ia u  
sha khlaw. U kpa u la khroh bad pyngket da kumne da kum-  
tai hynrei um man sngap satia. Kane ka la pyolong ia ka  
kmie ban phai dien ban khroh shuwa da kaba shu thum  
hapneh haduh ba un da tohthiah. Katba ka dang pynthiah  
ha jingthiah, u Donsngi u la bat ia ka na ka jaiñ kyrshah.  
Shuwa ba kan mih jyndat na u, ka kmie ka la hap ban  
weng ia ka kti jong u na kaba u bat skhem. Nangta ka la  
mih bak bad iehnob ia u khun rit bad la u kpa ha iing.

Katba ki dang don ha khlaw, ka jingmut jingpyrkhat  
jong ka kmie ka la slat sha iing namar ba ka sabnud ia u  
khun rit haba ka shu mih jyndat khlem kren. Kumta ka la  
khot ia u khun heb, u Phrangsngl ban ialeh kham klof  
khnang ba kin ioh leit phai klof sha la iing ioh lap ba slap.  
Hynrei ha kata hi ka por la wan ka lyer kaba jur bad ka  
jingdum ka la tap ia ka suiñbneng. Katba ki dang ia khreh  
ban mih na khlaw, kynsan kynsan u 'lapbah 'lapsan u la  
ther, ka 'erlong 'erngit ka la wan ban pyngkhylllem ia ki  
dieng ki siej. U Phrangsngl hapdeng kata ka jingtieng u la  
wad jaka rieh hynrei ka kmie ka la kyrpad ia u ba  
un march shakhmat ban dup pol klof sha iing. Ka  
suiñbneng ka thaba khlek shi khlek da ka jingba ka  
lellieh bad ka khynwin da ka jingtied u pyrthat ha

pdeng kata ka jingdum. Ka dei ha ka por ba kin jam ia iwei i wahduid ha kata ka lynti iaid jong ki, ka diengbah ka la khyllern bad ki tnad jong ka ki la ban bad tap ia ka kmie. U Phrangsngi uba don sha khmat jong ka kmie u tang ioh-sngew ia ka jingsawa basngewshyrkhel u la phai shadien bad bret kynsan ia ka khoh hangta. U la iohi pynban ia ha kmie ba ka la shah tap da ki tnad uta u diengbah uba la khyllern. U la lynfiar kliang bad tur sha ka kmie, U la kysriew ia ka bad ki ummat ba tuid arsut ki arliang ngap. Hynrei u shem ba ka kmie kam jubab ne tip briew. U iohi kumba ka iohthiah. A! u khyneah rit bapli un leh kumno? U la mareh pynsted sha la iing hapdeng uta u 'lapbah' lap-san ryngkat bad ki ummat ha tuid arsut ki ngap. Ha ka por ba u kpa u dang khreh mih ban leit wad ia ki, tiap u poi u khun-heh bad u la iathuh ia keei kaba la jia baroh.

U kpa khlem tip briew shuh u leit bran sha kata ka jaka ba mynsaw. Marwei hi da ka bor U Blei u la pom da kata ka wait kaba don hangta bad weng ia kita ki tnad diengbah. U la knyllie ia kata ka met ba mynsaw. Hynrei u shem ba kam lah shuh ban kren. Ka la eh bad pjah sam baroh shi ryueng. Mar kumta hi u la rah ia ka sha la iing bad u da kyrmen ba kan ioh mynsiem pat hadien ka jingsumar. Dalade hi lem bad ki para marjan marpa ki la iawad u nang u stad ba da kumno yn kysriew pat ia ka jingim jong ka. Hynrei long lehnohei haba ka sngi jong ka hi ka la thoh ha kaba ka syragiew ka jingiap ka la wan ban knleh kynthet ia ka jingim jong ka tang hapdeng shiteng por,

## Ka Bynta : 3

U Phrangsngi bad u Donsngi ha ka jingpule ki la nang-klew shaphrang. Man la ka snem na kawei ka klas sha kawei pat hi pyndep bad ki la poi haduh ka klas kaba hynrlew kaba long ka klas kaba khatduh jong kata ka skul kaba ha shnong.

U kpa haba u la iohi ia ka jingminot jong ki u la phah ia ki sha ki klas ba kham shaneng hadien ba ki la pyndep

na kata ka skul. Kumne hapoh ka jinglalam lynti u kpa,  
ki la mih na la shnong ban leit shong skul sha Sor Shillong.

Arngut shipara ki la pynleit por ha ka jingpule ha  
kawei ka skul kaba pawkhmat ha kata ka Sor. Ki ngi bad  
ki snem ki nanglaid, ma ki ruh ha ka kyrdan shongskul ki  
nangkiew.

Ha ki por shutl sha la shnong ki leit ban rep ban rlang  
bad la u kpa. Katno tam lei lei ia u kpa haba u iohi ba ki  
khun jong u ki la heb la san ha ka jingnang jingstad bad  
khamtam eh haba ki iaid ha ka lynti ka burom ka akor, u  
sngew ia lade kumba u deng ia u kpleng ka jingsngewhun.

Ha ka por ba ki pule ia ka klas kaba khyndal, ka del  
ha ka ngi lyngkhuhsnem ka skul, ba kine ki arngut shipara  
ki la pynmih kawei ka jingrwai na ka klas jong ki. Ka sur  
ba myllung bad ba sngewthiang hi ka la pynlong ia ki  
katto katne ki nongsngap ban sngewlem ryngkat bad ka  
jingjawummat na ki kyntien ba ki khlel. Ka la long ruh ka  
sien kaba nyngkong ia ka klas jong ki ban rah ia ka buskit  
na kata ka jingrwai ba kyrpang. Ka kyrteng jong kata ka  
jingrwai ka dei-DEI I MEI BAI EIT JONG NGI.

Mynba ia ngi hangne la kha,  
Katba ngi dang iaksaid lynga;  
Mano ba pyni khmat sngewbha,  
Dei tang i mei baieit jong ngi.

Hapoh jain̄sop ba la kdup syald,  
Ioh ba ngi khriat haba ngi ksaid;  
Mano ba pynhun ban dup sngaid,  
Dei tang i mei baieit jong ngi.

Halor jingthlah ne haba rah,  
Katba ngi dang ia tam ngah-ngah;  
Mano ia ngi ba kdup ne bah,  
Dei tang i mei baieit jong ngi.



Haba lyng-a ne ngi sngewthait,  
 Ka lyer ban ioh shabar shalait;  
 Mano ia ngi barah khlem thait,  
 Dei tang i mei baleit jong ngi.

Sdang ba ngin jam na ba l kdup,  
 Yoh ba ngi ur ne kyllon khrup;  
 Mano ia ngi ba wan kynrup,  
 Dei tang i mei baleit jong ngi.

Haba thylllej u sdang padiah,  
 Pupa, pupa bad tuid umbiah;  
 Mano ba hikai bad bym ngiah,  
 Dei tang i mei baleit jong ngi.

Ynda ka iaid ngi la sneh bha,  
 Ng i ialehkai ia rkhie danda;  
 Mano ia ngi ba pynsngewbha,  
 Dei tang i mei baleit jong ngi.

Sha skul pule dang rit ngi krlh,  
 Jingstad tynral ngi wad ngi tih;  
 Mano ba khreh ka bam ka dih,  
 Dei tang i mei baleit jong ngi.

Ym tang ha pneh haban da san,  
 Ka jingpynshngaiñ ngi iai donkam;  
 Mano ia ngi ba sneng pakhang,  
 Dei tang i mei baleit jong ngi.

Haba ngi don bad phi ko mel,  
 Mynsiem jong ngi ka suk paleis;  
 Jingtmang ngi shem ha ka pyrbhel,  
 Ban khlem maphi hangne ko mel.

## Ka Bynta : 4

SHISNEM tam hadien, katba kine arngut shipara ki dang ap ia ka jingialeh bakhatdub na skul ka (result jong ka Matriculation Examination) ki ia don ha la shnong bad la u kpa. Hynrei ha kata ka por, u kpa u la kem pang. Kata ka jingpang ka la neh haduh kumba shibnai ei ei khlem bam khlen, dih. Kane ka la pynsgewsih kthang ia ka dohnud balung ki khun ban iohi ia la u kpa ba u shu thiah khlem loh bor wat hapdeng ka jingsumar jong ki katto katne ngut ki nongsumar batbit. Ki khun bapli ki duwai la phirat ia la u kpa baleit ryngkat bad ka jingjawummat. Ki kha ki man, ki lok ki jor ki la iawan pyntogen ia ki bad iaduwai lem ba u kpa jong ki un iohbor. Naduh ba u kpa u thiah pang ki khun miet sngl ki dem sngewsih khlem thiah khlem dem.

Ha ka sngi ba u kpa un khlad neh na kane ka pyrthel, ki khun ki don lang ha syndah jong u. U kpa da i sur bajem u la ong ia ki - "Ko khun jong nga ngam lah sduh ban sah alem bad phi, wat iam sngewsih na ka bynta jong nga. Na ka jingieit bad jingshakri barit jong phi ia nga phin sa loh ban piam ia ka thie ka pyntha baiar kaba nga la buh ia ka spah na ka bynta jong phi ki khun lada phi nang ban pyndonkam ia ka. Kumba ma phi phi la sumar ia ki jingthung jingtep, ia ki jingri jingdub, nga ruh ngan leh ia phi hapon ka jingsbarai U Blei Trai Kynrad...." u la jyrhoh bad sngap shiphang.

"Kynmaw ko khun ban burom ia kiba halor jong phi. To long ki khun kiba pyrkhath, kiba sbun had kiba don akor don burom. Wat ju bishni ne rhah iano iano ruh. Wat brai tang ha kijingngewbha ne wat sngewsarong ia la ka kyrdan. Burom bad kynmaw ia la ki kmie ki kpa. Shipara kynmaw wat ju iakynad. Buh ka jingkyrmen ban tur shaphrang ryngkat bad ka jingduwai ha U Blei. Kumta kan long ka jingkyrkhu ia la ka ling ka'sem la jong."

Ki ummat ha arliang ngab u kpa ki tuid khlem sangeh. Tang ha kata hi ka khyllipmat katba u sdang ban kner ka kti ia ki khun kiba shong hajan jong u, u dkut mynsiem artad hangta. Ha kata ka por, ka bneng bad ka khyndew ka la dum tliw na ka jingiohi ki khun. Ki khun baleit ki la ia iam rangbah rangsan bad piam ia ka metiap jong u kpa. U hynmen hi wat ialade ruh u la sngewpangnud da ka

jingduh bakhraw, hynrel u la pyrshang ban pyntngen pat ia la u para.

Ha ka sngi kaba bud, ia ka met u kpa la lelt rah sha lum ryngkat bad ki kur ki jait, ki kha ki man, ki lok ki jor, u shnong u thaw kiba iawan ban pyntngen bad pynshngaii ia ka dohnud bapjah jong u Phrangsngi bad u Donsngi.

**Ka Bynta : 5**      ———

ARTAI&W hadien, u Phrangsngi bad u Donsngi hapteng ka jinglong khunswet tang shipara hi ki la ia kiew kali na shnong ban wan peit ia ka *result* sha Sor Shillong. Tang shu hiar na ka kali, ki la iohi bad iohsngew ia ka jingsawa ba ka la mih ka *result*. Kumta mardor ki la ia leit wad da ka jinglynga mynsiem bad syier ka kpoh, hadien ki sa shem ha kawei ka jaka ba ki ialum ki khynnah shong skul ban khmih ia kata ka *result* ba la mih ha ka kot khubor phareng.

Hapteng ka jingialum sawdong ia kata ka kot khubor, u para jong u nyngkong eh u la iohi ia u *number* u hynmen bad mar bud pat ia la u jong. Kumne arngut ki la iadem sia ban khmih bniah bad ki la shem ba ki la leit (passed) bha ha kata ka jingialeh. Katno ka mynsiem jong ki ka la kyndeh bad kmen haba shipara ki la ialait da kaba suk ia kata ka jingialeh bad ka jingminot ha ki snem ba la dep. Mar mar hi ki la iakiew kali ban leit phai sha shnong khnang ban poi kham klol sha la ki para marjan marpa kiba ap khmih lynti.

Tang shu poi ha shnong ki la al khublei ia kita kiba ap da ka khmat ba phuhsamrkhie. Hynrel, wat la katta ka dohnud jong ki ka pang shaphang u kpa bad ka kmie baieit eh jong ki. Ki la duwai ha U Blei ba Un sharai ia ki ha ka lynti kaba bba wat la ki don hapteng ka jinglong khunswet.

U Phrangsngi da ka jingmut rangbah u la ong ha la u para ba ialade un iehnoh ia ka jingpule khnang ba unlah ban pynleit por kham bun bad la ki jingri jingdub bad ha ka rep ka rlang kaba la ialam bad ple lynti da u kpa. Ha kawei ka liang pat, ka long ba un lah ban buh skul bad kyrshan ia la u para haduh ba un da kiew sha ka kyrdan kaba shaneng.

San sngi hadien, tang shipara ki la leit biang sha Sor—  
Ha kata hi ka sngi ia u Donsngi la pynrung skul ha kawei ka skulbah kaba don ha Sor Shillong.

## Ka Bynta : 6

ARPHEW sngi hadien ba u Donsngl u la mih na la shnong, jngai na u hynmen baeit bad na ki para marjan, ka jingmut jingpyrkhat jong u ka la phaloh tang sha iing sha sem; Jan man la ka miet u ju phohsniew ba u don ryogkat bad la ki kmie ki kpa. Ha kawei ka miet katba lyngngai hapoh ka jingiohthiah babang u la ngam hapoh ka rngai jong ka jingphohsniew, ba hana, u ia iohi na jngai ia kawei ka lieng kaba kit arngut ki briew kaba wan shaphang jong u katba u dang ap masi harud kawei ka wah. Mar kumta, katba kata ka lieng ka nangjan nangjan sha u, u lyoh uba dum u la kiew na kata ka wah haduh ba um lah ban iohi ia ki la ki dei kiel. Hapdeng ka jingdum u la hiar arsut sha wah bad u shem pynban ia kawei ka lieng kaba thylli. U la kiew ha ka bad king kham stet ban leit jngoh ia kata kawei pat kaba la jah hapdeng ki lyoh. Katba, u dang king kumne ia ka lieng ha kata ka wah, kynsan kynsan u lyoh u la jah bad kata ka jaka ka la shai kdar da ka jingtynschaiñ phyrnai ka sngi. U shem ba kata ka lieng la thep da u skum kba ha kaba la shong u kpa bad u hynmen jong u. Ka lieng u kpa ka iald sha khmat ka lieng jong u. Hynrei ha kata hi ka por ka 'eriong 'erngit ka la wan ban pynthut ia kata ka jingiaid jong ki. Ialade u king noh ia ka lieng sharud wah bad u la pyrta ia u kpa bad ia u hynmen ban king noh sharud wah khuang ban lait na kata ka jingma. Phewse, ka jingpyrta shla jong u ka la shu long leh-nohei. Ha kata ki ka khyllipmat ka lieng ha kaba u kpa bad u hynmen ki don ka la kylla da khongpong bad baroh arngut ki la ngop ha um. Kumta ialade u la kiew sha ryngkew bad leit mareh shaphang jong ki. Hangta u la loit ia ka tapmoh-khlich bad pashat sha ki, hynrei um iohi syrngiew syrnget shuh. Thret u kyndit na ka rngai bad u shem pynban ia ki paralok kiba ieng sawdong ka jingthiah jong u bad ka nep ka la hap ha madan. Shiphang u shong thapngur kum ka 'iar pangklam bad pyrkhat ia ka kata ka jingphohsniew kynsha jong u. Ki lok jong u ki la ia kylli baeli ba u ruma haduh ba ka la pynkyndit ia ki na ka jingiohthiah.

Dang step shuwa ba un mih leit klas u la shlm ia u khu-lom bad ka kotsada bad thoh shithi sha la u hynmen. Ha kajuh ka por u la pyinklet ia kata ka jingphohsniew ba kynsha jong u da kaba u la ong imat ba u phohsiew del na ka jingbuh jingmut sha ling sha sem ha kita ki sni ba la dep. Kawei ruh ka lah ban long ba u leit iohi ia ki nong shong lieng ba Nan Palok ha ka por mynsngi katba u dang ia leit laid kai bad ki paralok.

"Bah Baieit,

Shillong, 21 6.19 ..

Nga ngeit ba kane ka shithi kan lap ia phi kumjuh ia nga shane hapdeng ka jingkoit jingkhiah bha da ka jingsumar U Blei Trai Kynrad najrong

Bah, ha kato ka sni ba phi mih nangne nga ngeit phi la poi suk shato. Ha ka miet ba nyngkong katno nga sngewblaw bad kynmaw iing hynrei nga la shu pyinklet da kaba pynlut por bad iabyrnia iathuhkana bad ki paralok. Shuwa ba ngan thiah ruh ka jingmut jingpyrkhat jong nga ka long beit tang sha phi Bah bad kumjuh nga kynmaw ia i Mei bad i Pa-nga la pyrshang ban iohthiah da kaba pule da ki kot. Jan man la ka miet nga ju phohsniew sha iing. Imat ba nga pyrkhat than eh—hynne ka miet lei lei nga phohsniew ia phi bad ia i Pa. Katno ka long kaba sngewtriem ban iathuh ia kata ka jingiohi jong nga ha rngai. Haduh ba kata ka jingphohkynsha jong nga ka la pyinkyndit thiah lut ia ki paralok baroh kiba don ha kajuh ka kamra. Nga tharat dei ha ka por ba nga pyrta shla ia phi bad ia i Pa.....

Shane te ngi la ialong klas thikna bad ngim ju ioh por ban ialehkai ne laidkai namar ngi hap ban pynlut por khambun ha ka kot. Ynda la poi ha kane ka skul-bah te da sngewrangbah ialade ruh. Ka jinghikai, ki khynnah skul bad kiwei kiwei ki la iapher na kato ka por ba ngi ia don ha ka skul-heh (High School).

Nga ngeit ba ngan sa poi shato ynda ngi la ioh shuti puja bad sa wan mih teng teng lada phi ioh por, hynrei lada jia ba phi bun kam te kam pher.

Tang katne ngan pyinkut shuwa, to U Blei Trai Kynrad Un don ryngkat bad ngi. To ai ruh ba ngin pyntyllun ia ki jingmut jingpyrkhat babha ha U, ba ngin ia long kiba iaieit shipara hapdeng ka jinglong khunswet jong ngi.

U Para baieit eh jong phi,

U Donsngi."

## Ka Bynta : 7

KI sngr kl ia ki la nang iaid sted, u Donsngi ruh ha ka kyrdan jingstad u la nangkiew. Katno tam lei lei u hynmen u hun ka mynsiem haba u para u iaid ha ka lynti kaba don akor bad don burom. Ki kmie ki kpa ki kha ia ki khun bad ki ieit thep mynsiem ia ki, bad ka kamram jong ki ka long ban pynheh pynsan ia ki ha ka rynieng ryniot, ha ka kyrdan jingnang jingstad bad khamtam lei lei ha ka burom ka akor. Ki kmie ki kpa ne ki hynmen haba ki iaid shaneng sharum ki sngewphuhmut phuhmat, haba ki shem ba ki khun ne ki para ki don ha ka burom ka akor Naduh ba ki khun jong ki ki dang don hapneh ki la mut dur lypa kumno ban ialam bad btin lynti ia ki khun sha ka lynti kaba bha. Hooild, wat la ki khun ki don sha jagal na ki, hynrei to ai ba kin kynmaw dngong ia ki kyntien paila ba ki kmie ki kpa ne ki hynmen ki sneng ki kraw. Ka jing-kohnguh sneng ka kdup hapoh jong ka ia ka jingdonburom bad jingdon akor, khamtam ha ka iaid ka ieng bad ha ka ktien ka thylliej. Niuma, ka long kaei kaei kaba eh ban pynrung ha ka dohnud ba sakma jong ki khun tamsneng hynrei ki kmie ki kpa kin leh kumno haba ki khun ki kiar bad phal lyndet ia ki jingsneng jingkraw jong ki. Ka long kaba shisha napdeng kiba bun, uwei ne ar u long shisha u khun phrangsngi ka iing hynrei kiwei te ynaai da iakren. Ngln sngewphylla lei namar ka pyrthel hi ka long. Ka jing-minot jong u Donsngi ban jop ha ka jingpule kan long ka burom bakhraw ia ka iing ka sem, kumba ki kmie ki kpa ki tur ki thom lyngba ki sañlum bathar na ka bynta ka jingsuk ki khun lashai hadien.

Ki kmie ki kpa bad u hynmen u Donsngi kl la btin bad hikai ia u sha ka lynti babha bad ban kiar ruh na ki rong ba thala jong kane ka pyrthel kiba ap kynrem. Kumta ka long ka kamram jong u ban buddien ia ka lynti ba la prat da kl. Kumjuh ruh u del ban nang sañdur shuh shuh ia ka kamram kaba ki la pynkhamti.

A ! Katno kan wan ka jingktang ha ka dohnud u hynmen jong u lada jia ba u lohsngew ne tip ba u para u la iapmat ia kawel ka khyannah samla kaba kyrteug ka

Darihun. Kane ka khynnah samla ka del kaba iapule lang ha kajuh skul-bah (*College*). Kane ka jingiapmat jong u ia ka ka la pynlong ia u ba un shoh jingieit marwei ia ka katba maka pat ka sngew ia uta u paralok kum u hyomen ne para. Ka kren ka khana hi kumba ka ju leh ia kiwei ki paralok.

U Donsngi ha ka jingpule ruh u la sdang ban btai haba u poi kynmaw bad mutdur ia ka dur ba bhabriew bad ka khmat ba phubsamrkhe jong ka. Kumne ki sngi ki ia ki laid na kawei ka por sha kawei haduh ba ka la pynlong ia u ban ap ia ka ha ki lad babiang ban ioh ia kren.

Katba ki por ki snem ki nangaid lait, ha lyngwiar iapmat jong u Donsngi ia ka Darahun ka nang ial bteng. Ha kawei ka sngi ka la pynlong ia ka dohnud jong u kaba phaloh ha ka jingshitrhem bad katba ki dang ialaid lang tang arngut ha ka por ba ki la wan phai na klas. Hangta keiñ u la phla madan ia la ka jingsngew jong u ia ka, Ha kajuh ka por u la tyrwa ha ka ia ka jingieit ba u don bad ba kan pdiang ruh da ka jingsbun ia ka jingtyrwa ka jong u.

Hynrei u lyoh jong ka jingdum u la sar ia ki khmat bad ka dohnud ka jong u na ka jingphai ktien ba pynkthang bad pynpjah jong ka ia ka dohnud ba shitrhem ka jong u. Te naduh kata hi ka sngi ka Darahun ka la nang leh kiar leh kiar na u. Haba u Donsngi u iohi ia kane ka jingleh jong ka, ka la pynlong ia u ba un phong da ki jingmut kiba sniew ia ka. Kane ka jingmut rhah ka la nang suhthied ha ka dohnud jong u na kawei ka sngi sha kawei pat.

Kine ki jingmut jingpyrkhat jong u ki la pynthut shibun ha ka liang ka jingpule. Na kane ka daw u la shah bat ha kata ka snem. Te kane ka la nang pynjngai shuh shuh ia kine ki samla namar ba kim iaryngkat klas shuh. Kumta, kim lah ban iakynduh shuh kumba mynshuwa. Wat la um iohi ia ka khmat jong ka hynrei u la kut jingmut ba un ym lah klet da lei lei ia ka bad ba un ial wad bad pyrshang da kumno ban ioh ia ka.

## Ka Bynta : 8

HA ka sngi lewduh ka Darlhun lem bad ka parakha jong ka ki la leit siew na lew. Ynda ki la dep ka siew ka tda, ki la ia leit kiew bos na lew Mawlong, kaba del leit sha kata ka jaka sah jong ka. Katba kata ka bos ka dang ap brierw, ka Darlhun ka la iohi liak ia uwei u rangbah uba la jan kyllon ha surok haba u la kum ioh iuh ia ka snep kait. Haba ka peit ia uta u rangbah ka i kum u Donsngi, hynrei ynda ka la peit bha ka shem ba um dei ma u. Ha lade hapoh dohnud ka la samrkhie bad sngewsammut ia u, katba ma u pat um shym la poi pyrkhat ba kiwel kin iohi ne peit ia kata ka jingbakla jong u.

Sa shipor une u rangbah u la rung ha kata kajuh ka kali. Ka la jia ryngkhat ruh ba ka lait satang kawel ka jaka shong markhap bad ka. Katba u dang ieng hangta hajan jong ka, ka Darlhun ka la phah ieng noh ia kata ka khynnah rit bad ka sa ai jaka shong ia u.

"Khublei, ngam lei lei, shong ma phi Thei ich ngan shu ieng ma nga" U la ong ia ka bad u ieng hajuh.

"Em phi shong ma phi Bah. Ich in ieng noh ine i khynnah rit", ka la pynbor ia u.

"Khublei shibun ho," la ong u Phrangsngi bad u la shong artad.

Ka Darlhun ka la kiew ka jingsawkyrang ha ki ngab la kum u sohsaw uba la biang por namar ka kynmaw ia kata ka jingkyllon jong u. Ha kata hi ka por kam tip ei ei ia u ba u don ka jingiadai bad u Donsngi.

"Phi iasah shano?" La kylli u Phrangsngi. Ka Darlhun ka la iathuh ba u ia ka jaka ba ka sah.

"Phi pat iba nangno?" La kylli sa ka Darlhun.

"Nga sah kham jngai nangne, sha ka thei ba shathle lam Sepngi jong ka Ri Khasi," u la jubab.

"Phi iadel aiu bad ine i hep rit?.... Sngewbha ai ngan pynbat noh ma nga kato ka pla namar phi shitom ba phi thum ia ine i hep .....Nga la ai lang ma nga ha bai kali ho!" U la phai ktien biang sha ka.

"Khublei shibun. Balei phi da pynlut pisa bad..... ? Ine i del i para kha jong nga—Kato ka pla nga tharai ka



lah ban jaw um ne kumno, namar nga thep u banda kubi bad u tymzew," ka la phai ktien da ka jinglehraiñ.

Kumne ym lap ba sngewthuh ka la poi ha ka jaka hiar jong ka. U la pynphai ia ka pla siew ha ka bad u la ai khublei leit suk, bad ma ka ruh kumjuh. Kane ka la pynlong ia ka khmat jong ka ban phai sha ka jaka ba u don ma u. Ha kajuha ka por ma u ruh u la phai dien bad kumne ki shu iawiat phuh samrkhie.

Ynda la poi sha ka jaka ba u sah u Donsngi, u Phrangsngi u la hiar na ka kall ban leit iakynduh ia la u jong u para.

Katno u Phrangsngi u dap da ka jingkmén ha ka dohnud bad u sngewhun ka mynsiem haba u shem ia la u para hapteng ka jingkoit jingkhiah krat. Kumne tang shi-para hi ki la pynlut por ha kaba iathuhkhana shaphang ka kam ilng kam sem, ia ki para marjan marpa bad ia ki kam ki jam. Ynda u la pynlut por kumba arkynta tam, u sa mih noh na kata ka jaka. U sa leit phai sha la shnong ha kata hi ka sngi.

Lynter lynti katba u dang shong hapoh kall ban leit phai sha la shnong, ka jingmut jingpyrkhat jong u ki la long beit tang shaphang ka dur ha bhabriew jong kata ka briew kaba u la iohi bad iakren. Kane ka jingpyrkhat jong u ka la long ban klet lut ia kiwei ki jingdonkam haduh ba un da poi ha iing.

Katba u dang shong welbriew ha kata ka mlet, ki jingmut jingpyrkhat ki la leit lut ha kaba mutdur ia ka dur ba bhabriew jong ka Darihun. Hadien ka la pynlong ia ka met ka ka phad bad ki khmat jong u ban ring tlot bad shohsamthiah. Shiteng synñia, kumba ruma u kyndit thret nangta bad u shem ialade ba u don ha i kamra shongkal halor ka shuki.

## Ka Bynta : 9

KATTO katne bnal hadien, ka Darihun ka la ioh ka kam hikai skul ha kawel ka skul rit kaba don shajan ka thañ ba u sah u Phrangsngi. Ha kawel ka sngi kaba rang bha ka bneng, ka suiñ bneng ka shai bha bad ka mariang ka long kaba jai jai da ka jingbeh ki 'erbatemon batesi, ma ka lem bad katto katne ki khynnah skul ki la ia mih ban iaid

kai pyngngad sha ki thain lum jong kata ka jaka. Ha kata ka jingiaidkai na uwei u lum sha uwei pat, khatduh ka la leit poi sha ka lyngkha ba u trei u Phrangsngl.

Ha kata ka janmiet katba u Phrangsngi u dang wan phai sha la iing, u la iakynduh ia ka Darihun ryngkat bad kita ki khynnah skul jong ka. Ma ka da ka jingkyndit kumba ioh iuh tdong bseñ ka shu peit lyngngoh ia u naduh jngai haduh ba kin da iapoi hajan. Ha kajuh ka por ma u ruh u la peit thuh ia ka. Kumne ki la iaiaid lait iwei-na-iwe khlem da pynmih ktien, lait tang arngut ki khynnah skul jong ka ki la ia kren iaiaid ia u. Kine ki samla ki la shu iakyrting dien artad iaiaid. Katto katne jam ei ei ki jong ka Darihun ki la ia phai noh sha kajuh ka lynti ban leit phai sha iing. U Phrangsngi uba la peit shin ia ka, da ka jinglyngngoh u la ieng bad ap ia ka. Tang shu poi ma ka hajan, u Phrangsngi u la peit thuh—

“Shaei phi iawan kumne? Pnl dei ma phi lto iba nga iashem bad iaryngkat ha ka bos shisien, ne nga bakla ma nga?” La kynjoh ktien u Phrangsngi.

“O..... o ! Hood ! la jubab ka Darihun. Nga ruh nga la nang pyrkhat la phi dei ne em, namar ngam shym pol pyrkhat ba phin sah shaduh sha kane ka jaka—kawel ruh ba phi riam kumne, nangta bad ka knup, u mohkhiew phi .....” Ka la dem shapoh ba ka dap da jinglehraiñ ia u Phrangsngl.

Kumne lynter lynti ki iaiaid ryngkat ryngkat bad ki la iakylli ia pyrthew ia ka iing ka sem ba ki iasah bad kumjuh ia ka kyrteng bad ka jaid ka khong. Ynda la poi ka lad kaba lam sha ka iing jong u, u la kdew ia ka iing ka ba u shong. Ka iing jong u ka don kham pajih na kata ka lynti iaiaid. Shuwa ba kin la iaiaid la ka lynti, ka Darihun ka la iasang kwai ia u. Ki khynnah skul ki shu la peit katba kine arngut ki dang la kren. Nangta ki sa ia iaiaid la ka lynti.

Kane ka la pynlong ia ka Darihun ban shoh jingieit ia u Phrangsngl bad kumjuh ruh ma u. Ka Darihun hapoh mynslem ka la pyrkhat ba lmat U Blei hi U la phah ia ka shaduh kata ka jaka ban iashem ia u briew uba ma ka ka don jingmut. Katno ka thrang ban iohi biang ia ka dur ba bhabriew bad ka khmat ba lui lui jong u. Ha khmat ka Darihun, u Phrangsngl u long u 'nai-khatsawsynñia, Hynrei

ka sngewlehrañ pat ban phah wan iakynduh ne ban leit sha iing jong u. Kumne ka la shu ap ia ka por ba lano kan iashem ia u. Kane ka jingpyrkhat jong ka ka la suhthied ha ka dohnud batlem jong ka.

Ha kawei na ka mlet ba shai bnai, ka Darlhun ka la phohsniew ia u Phrangsngi. Hana—katba ka Darlhun ka dang sara syntiew ha kawei ka 'per syntiew ba itynnad, ka la iohsngew ia ka sur ba iaid u kulai. Hadien, katto katne sekhon ka la iohi ia u Phrangsngi ba u wan shong halor kata ka kali kulai kaba la sop baroh shiryngeng da ka rong rupa bad ia u kulai pat la pyngkieng shakuriaw da ki 'tiew kulab lieh.

"Khublei Rihun ! Kumno ..... ? Balei phim pat riam pat beit seh?" la kynjoh ktien u Phrangsngi

"Bah Phrang baleit, da ap khyndiat ngan da bujll jaiñ. Ale rung ha iing seh, ngin sa iamih kumne!" la kyrpad ka Darlhun.

"Em ! Kolt kolt kam pher ngan ap ma nga hangne, khie nang ..... khnang ban kloï." U la ong bad u la rkhe rymmuiñ.

Tang hapdeng khyndiat minit ka shem ialade ryngkat bad ka riam ka beit baphyrnai bad ka la mih na khyrdop jong ka iing. U Phrangsngi khlem riej u la hiar na ka kali bad shim ia ka kti kamon jong ka bad u la pyndel na ka rymmiang shyntur jong u.

Soit nangta ki suh wia sha kawel ka jaka shongkai. Hangta tang arngut hi ki iaphylliew jingieit harud ka pung ba dap da ki syntiew bun rong. Ka shem ialade ba ka dem ha ka ksangti u Phrangsngi katba na u ki sur ba-syiang u siat ha ka dohnud ba jahthait jong ka. Ka shem ba ka synñia ka la wan bad ka pung ka phyrnai kum ka it pelt na ka jingshat u bnai. Thret na ka ri ka jingphohsniew ka kyndit bad ka shem ba ka kdup ia ka syngkhlieh, sa shipor ka la iohsngew ia u 'iar nyngkong ba u la riew. Haduh ban da shai hi phlait ka shu shong pyrkhat bad mutdur ia kata ka jingiohi ba phylla ha ka por ba ka iohthiah.

Ha kata ka sngi kaba bud ka la shu shong pyrkhath marwei bad kam shym la leit shano shano ruh. Ka Thapngur ka dem pyrkhath marwei ia kata ka jingphohsniew bad ia kata ka jingiashem jong ka markhmat ia u ha kita ki sngi ba la dep.

Arsngi hadien, kawei na ki khynnah skul jong ka ka la wallam ia ka shithi kaba la phah rah da u Phrangsngi: Ka Darihun ka tang shu ioh ia kata ka shithi kaba la thoh ia ka kyrteng jong ka bad ka jingsop shithi ka bym shym la tah stamp-shiphang ka la lynggoh.

"Mano ba phah rah ia kane?" La kylll ka Darihun ia kata ka khynnah.

"Ito i Bah iba iaiaid ryngkat shisien ha ka por ba ngi dang iaiaidkai shathie sha lum—" la jubab kata ka khynnah.

"O! Peit shane Thel, ynda phi la leit phai shibit sha shnong sa leit ai khublei ia i ho!" la phai ktien ka Darihun.

Shipor ka Darihun ka shu bat sah ha kti ia kata ka shithi bad ka la pyrkhath kumno da uto u nongrep un phah ai shithi ia ka. Ka la shu peit shlip ia ki dak kiba la ring dur ha kata ka jingsop kaba don ka kyrteng bad jaka shong jong ka. Haba ka kynmaw pat ia kata ka jingphohsniew kaba ka dang shu iohi, ka la kwah ban plied noh ia kata ka sop shithi. Katba ka dang peit kyrteng ka la iohi ia ka kyrteng jong ka bad ha kaba kut ia ka kyrteng jong u.

"Kong Darihun,

8.4.19....

Nga ngeit ba ine i lyngkdop shithi in lap ia phi hapdeng ka jingkoit jingkhiah krat ryngkat da ka jingsharai U Blei Trai Kynrad najrong.

Naduh ba nga la iohi nyngkong, ka mynsiem jong nga ka shohbieit hi bad man ka teng nga ia pyrkhath ba ngan sa iohi pat ia phi. Haba nga iohi ia ka dur ba bhabriew bad ka khmat ba puh samrkhie ka jong phi ngam lah keifi ban shu sngap bad ruh ban klet. Phi long kum u mawkor-dor ba phyrnai bad ka khmat babhabriew jong phi ka kti bad ka ring ban jyrwait ia ka jingmut jong nga ha ka jingphohsniew.

Shisha la slem ba nga mut, hynrei ban ong pat ngam sngewnud namar ia ka khmat jong phi nga shynraiñ kum ia ka sngi bad ki lad ruh ia nga ki khang. Tang kawei ia phi nga kwah ban ong. Nga ngeit phin ym sngewsih namar kumba long lem ka pyrthei nga ruh keiñ nga sngewdej. Wat leit sngewsih keiñ kong ia nga ba ngan kylli ia phi mynta. Lada phi mon ne em shisha ban pdiang kum u baieit jong phi ia nga. Ka jingieit jong nga kan neh baroh shirra hynrei ym kum jingieit ba tang shiphang por. Namar naduh ka dohnud nga phla shai ba ia phi nga ieit shisha. Ka dohnud jong nga kan um hi jai lada na phi ngan loh ia ka jingieit bajanai. Lada jla ba phi la don lad shawei ne phi la don lypa u nonglam lynti, namar ngam tip ia ka jingim jong phi bad ruh ngam lah baa iohi. Te lada phi la don lad lypa shawel, wat nym sngewsih ne sngew ei-el. Kumta haba shawei phi la don lad sngewbha keiñ kong ia nga wat nym thad bad to al phin tip tang hapoh mynsiem. Namar tang ha phi hi nga nud katne ban tyrwa ia ka jingieit ba nga don shisha.

Sngewbha sa al jubab halor kane ka jingtyrwa lada phi pdiang ne em ia ka hynrei wat shu tar ne thang bad kumjuh ruh wat nym pyni hano hano, wat lada l dei l paralok baleit eh jong phi.

Tang katne keiñ ngam don ei ei ia phi ban ong lane al hynrei to shim tang ka jingkhulel bad ruh ka jingieit kaba janal.

To U Blel Un long lem ryngkat bad phi, hooid kumjuh lem bad nga, bad Un da ia ngi bad lem ia kiba ha iing jong ngi na ki jingsniew bad jingma.

Tang katne keiñ kong, khulel. Ngan shu pynwai noh shuwa ia ine i jingtyrwa barit bad ngan sa thoh pat ynda nga la loh pdiang ia ka jubab baieit bad bathiang na ka kti basbun jong phi.

Uba burom ia phi,  
U Phrangngi"

Ha kata ka sngi, ka Darahun ka la shu dem pyrkhat la ka kyntien kiba u la khlei bad phla ha ka lyngba kata ka shithi. Kane ka la shim por ia ka haduh lai taew ei-el bau

ban pyrkhat had puson sani jai ha ka ban pdiang la kata ka jingtyrwa jong u. Hynrei haba ka peit pat ia ki dak ha kata ka shithi, ka artatien la ki dei ne em ki dak jong u ne lehse ki lah ban long ki jong kiwei.

Ha lade hi ka la pyrkhat kumno u nongrep un bha dak haduh katne, nalorkata na ka jingkhuid ki dak bad kumjuh ruh u nang ban sei ia ki ktien bamyllung bad sngewthiang. Kane ka la pynlyngngoh ngaiñ ia ka, la ka mut ban kylli na ki para marjan ruh ka sngewlehrain ; khamtam ka dei ka briew kaba nabar shnong. Kumta ka pyrshang ban pyniakynduh hynrei kam ioh lad satia. Shihnai hadien, ka la ai jubab bad khlei ha u ia kaei kaba ma ka ka shem bad don ha ka dohnud ban pynpaw lyngba i lyngkdop shithi.

## Ka Bynta : 10 ———

U PHRANGSNGI da ka jinglynga ban iohi ia ka dur ba bhabriew jong ka, soit na iing u mih ban iaidkal ha kawei ka janmlet. U la poi tiap ha ka shnong ba ka shongwai ma ka. Da ka jinglehraiñ bad jingbymbanse ha ka atad ba shong ma ka u leit ban rung. Thret u kyndit haba u ksew ka trai iing u wlar ia u namar u sngewthuh ba u dei u riewphylla. Ka trai iing ka mih bad ka shem pynban ia u Phrangsngi uba ka ithuh bha. Hynrei, kumba ki ia tip, ka Darihun ruh ha kajuha ka por ka la mih na la iing ban leit lashem ia u da kaba shu iaid kai bam lyer.

U Phrangsngi u la shongkai shipor bad kata ka trai iing. Hadien u sa kylli ia ka kamra ba ka sah ka Darihun. Ka trai iing ka la kdew ia ka kamra ba ka sah bad ka la ia-thuh ruh ha u ba ka Darihun kam don ha iing, ka dang shu mih leitkal. Ka la ong ia u ba un ap shipor ne u lah ban wan wad lashai ha ka por mynstep ne janmlet. U Phrangsngi u tang shu dep bam kwai u la mih noh bad u la ong ba un sa wan pat ha kawei ka sngi. Kumta u la leit phal noh sha la iing.

Ha ka sngi kaba bud u Phrangsngi u la iakynduh ia ka Darihun ha kawei ka dukan die jaiñ kaba don ha kata ka iew jong kata ka thaiñ. Hangta da ka jinglehraiñ bad bad ka jingkyiuh na khlieh ha kjat u la kynjoh ktien ia ka khamtam lei lei haba bun ki nongdie nongthied. Da ka jingbambanse u la kren, ma ka ruh wak da ka jingkyndit ka

phal bad shem pynban ba u dei ma u. Ki ngab jong ka ki la kiew sawkyrang ha kata ka por ba ka dang kynjoh ktien ia u hakmat ki paidbah ba iadie iathied. Kumne ma u u la iakut ia ka ba kan ap ryngkat ha khlieb iew ynda ka la dep siew dep ida. Ynda ka iew ka la jan wai, arngut ryngkat ki la ialeit phai sha la shnong bad ka jingsiew ha ka met. Ki khana ki mih na baroh arliang shaphang ka iing ka sem katba ki kjat jong ki ki lam sha iing. Hangta u Phrang-sngi u la pynsngew ha ka ba u don kam ban iakynduh biang ne ialeit iaidkai ha kata ka sngi saitjañ ka ban wan, kata ka long sha ka jaka bapynngad ha kata ka thañ. Shuwa ba kin iakhlad sha ia ki jong ki iing, ka Darihun ka la ai ha u ia ka shithi ba ka la jubab.

Da ka jingkmien u Phrangsngi u la pdiang ia kata ka shithi na ka kti basbun jong ka. U la iaid kyrkieh ban poi kloi sha la iing khnang ban iohi aũ ka ai jubab. Shuwa ba ua plied u la syier ka kpoh bad kyih baroh shirynieng.

10.5.19.....

*“Bah Phrang Baieit,*

Ngam banse mynta ban pyndonkam ia u khulom bad ka kotsada haba nga la iohpdiang ia ka shithi jong phi. Nga tharai ma phi ruh phin nym sngew ei ei ia ka jingpynslem jong nga ban phah ia ka jubab sha phi namar ba nga bun kam eh ha une u bnai.

Katno nga dap da ka jinglyngngoh bad nga dum ka buit ka stad namar ba ngam shym la poi pyrkhath mynno mynno ruh ba kine kiei kiei kin wan ban jia long ha nga. Hooid, haba nga la pyrkhath bad puson bha ia kiei kiei baroh ngam banse mynta ban pdiang ia ka jingtyrwa jong phi. To ai ba ngin ia pun lang ia ka shyngiar ha ka pung ka jingieit kaba hagdeng jong nga bad jong phi. Namar jong phi ka jinglehrañ bad jingshañong kam lah ban wan tyllap ha nga.

Bah Phrang, ryngkat bad phi nga sngewhun bad sngew-suk ka mynsiem wat hagdeng la ka jinglong ba weibriew bad bakynjah jong nga sha kane ka jaka ba nga wan. Hynrei yn leh kumno keñ, imat U Blei Trai Nongbuh U la ibit ia nga ba ngan long ka bynta ka jong phi naduh mynta hi. Ngam lah ban shu kyntait keñ ia phi. Ka umpobliw ba sngur ka jingieit kan kynshait sngewbha bad sngewtynnad

ha ka dohnud bapjah jong nga. Mynta da ka mon sngew-  
bha nga wan ban rieh tngen ha ki ksangkī basbun jong phi.

Bah bah, shislen ba nga la aiti,  
Ngam lah iehnoh shiteng lynti;  
Jingieit ha phi ngan iai theh lut,  
Haduh ki sngi ki ia bakut.

Hynrei to ngan iai kyrmen skhem,  
Hapoh dohnud jong phi ruh lem;  
Khmat kin nym thaba shawei pat,  
Ne i'u kynjri jingieit ban bthat.

Al ba kynjri jingieit ngin deng,  
Bad un iai long uba nang skhem;  
Katba nang iaid ki sngi ki snem,  
Jingieit jong ngi ruh kan shitrhem.

"Tang katne ngan pynwal shuwa bad ngan sa thoh pat  
ynda nga la ioh pat la ka jubab bathiang na phi. Shuwa  
ba ngan pynkut ngam lah blang khlem da pynpaw bad pyn-  
deng ha phi ia ka jingieit banylla bad basngur. To ai ba ka  
umpohllew ka jingieit kan iai kyrsoi bad iai tuid ha ka pung  
ka jingieit kaba ngi sdang ban tei. Kumne ngin bteng lang  
ia ka shyngiar ban phylliew ha ka khnang ba kan ym rogat  
shlrta.

To ai ba U Blei Trai Kynrad Un ialam bad sharai ia  
ngi katba ngi dang iaid shaphrang ha ki lynti bad ki lad ba  
beit ne ba kyllaiñ kiba ngi iakynduh lang.

Khublei shibun,  
Kaba hurom bad kynmaw leit iaphi,  
*Ka Darihun,"*

## Ka Bynta : 11

KA sngi ba la ia kut ka la dei ia u Phrangengi bad ka  
Darihun ba kin ia kynduh. Tang arngut hi ia ka jingsuk ki  
wad bad hangta ki leit ban diñ ia ki 'erpyngogad harud ka  
wahduid.

Ka jaka baitynnad ka ring ia ka khmat ban leit iaidkat  
bad shongkat. Ka suiñbneng ka shai kdar, ka 'erpyngogad  
kibeh sngewtynnad ha ki sharing lum bathlah lyngogat  
hapdeng ka jingshoh ka sngi. Hangta u ngap bad ki thap-



balieh ba bun rong ki ia her na uwel u syntiew sha uwel pat. Bun jait ki dieng rit bad diengbah ki kohnguh la ki khlieh ha ka jingbeh ka lyer. Ka jingiewbih basubsieng na ki 'tiewdieng ki wan her ban pyndap ia kata ka jaka. Katno ka jingithlang kata ka jaka ban iaidkal harud ka wahduid. Ka 'erwah ka beh hir hir bad ka pyntngen ia ka ka met ka phad bad ka mynsiem jong ki. Ha trai u dlengbah ki leit ban shongthait ynda ki kjat ki la thait. Hangta syndah ki iashong bad ia phylliew jingieit mar kylliang

"Ribun Baieit, ... ka jingleit nylla bad jingieit ba shisha ha ka dohnud basngur jong phi nga phylliew. Bad al kumjuh na phi kan long nylla bad paka. Nga shem mynta katno ngi dap da ka jingiphuh iphieng haba ngi lah ban tap ia la ki khmat bad set ki shkor na ki jingthaba bad jingpynshoi ka pyrthel. Ma ngi arngut hi ngin long kum kitei ki sim shijur halor ka tnad dieng kiba pynmih ia ki sur basngewtynnad khlem khulai. To ngin pynleit por lang ha ka jingieit banylla bad bashisha da kaba ngin ialum bad ia shna ia ka skum ka jingieit kaba itynnad bad baskhem na ka bynta jong ngi shijur kum kitei ki sim ba wad jingsngewbha." U Phrangsngi u la siat ia u 'namksiar jingieit ha ka dohnud balung jong ka,

Da ka jinglehraiñ ka Darlhun kam nud ban pelt pyrshah ia ka khmat ba lui lui jong u. Ha khmat jong ka, u Phrangsngi u long u 'hurjem. Ka shim bad syrpañ ia ki ksang kti jong u katba ka dang khlei ia ki kyntien na ka dohnudbakyndeh jong ka.

'Bah bah, katno ka mynsiem jong nga ka hun haba mynta ha phi nga wan ban riehtngen" la pynsgew ka Darlhun. To al ruh ba ka jingmut jingpyrkhat jong phi kan shongneh tang ha nga haduh ki sngi bakut. Al ba u kynjri jingieit hapdeng jong ngi un long u ba nang lai syrdoh skhem katba nang iaid ki sngi ki snem. Wat la ki jingpynshoi ki lah ban mih, hynrei ai ba ka jingleit kan nang shiñ them."

"Bathlang jong nga, shisien ba jingleit ka la syrdoh hapdeng jong ngi ngan long ma nga u bñal bashai bad u khlur baphyrñal. Ngan ialam lynti iaphi wat la ka jingdum kan kah. Katba ka pyrthel ka iai shad ha u peiba, kumta ruh jingieit nylla na phi bad na nga to al kin nang iar." U

Phrangsngi u la phla shai ha ka katba u dang syrpal ia ka met bad pyndei iei ia ki shohshkor jong ka.

Ynda ka por ka la dei sha la ka iing ki la leit phal. Kumne man la ka por ki ju wan ban iakynduh.

## Ka Bynta : 12 ———

KHYNDAL bnai ei ei ba ka Darihun ka la mih na la iing jngai na la u kpa, ka dei lashai ka sngi ia ka ba kan leit phai sha la iing, Katno ka sngew blaw ban kblad shipor na kata ka jaka kaba ka leit hikai skul, hynrei ka kynmaw pat ba tang ar bnai kan sa wan phai biang. Ka kyrmen skhem ba hadien ka shuti tlang kan sa poi bad pynlut ia ka por ba leit bad la u jong u baiei. A! kael ka ban jia ia ka hadien namar kam dei ia ka marwei ban rai ia kaei kaei. Wat la kam don shuh ka kmie ba kha ia ka hynrei ka don la u kpa u ba peit ba bishar bad btin lynti ia ka sha ka jinglong babha.

Ynda ka sngi leit iing jong ka ka la dei, dangstep phyrngab u Phrangsngi na la iing u la mih ban leit on ia ka sha ka jaka kiew kali. Katba un poi ma u ha iing jong ka, ka Darihun ka la dep khreh dep khrum. Katno ka iphuh iphieng ha ka dur khmat jong ka na ka jingthaba ka kup ka sem la kum ka sngi shuwa ba kan doh khatduh ha ki lyndet lum. Hangta, u Phrangsngi ha ka mon ba kylluid u la siat ia ki sai jingieit ha la ka jong ka baiei: "Baiei, katno nga sngew kynjah shane, marwei jngai na phi hynrei ngan sa shu kynmaw ia ka dur ba bhabriew bad ia ka khmat ba phuh samrkhie kaba phi pynpaw ha nga. "Hadien ka jingia phylliew jingmut markylliang ka Darihun ka la kyrpad ia la u baiei—"Ia noh keiñ Bah bah, ka por ka la dei. Kumne pat ngin sa iashem biang ynda nga la wan phai—Ngan nym lah ban pyndam ia ka jingsngewtmang haba kan wan ka jingkynmaw ia ki por ba ngi iapynlut kumne tang arngut."

Wat la ka dei ban jngal na ka jingiohi ia u baiei tang shipor hynrei kam lah khlem da jawummat. Ma u ruh khlem jingriei hapdeng ka jingieit ba la spaiñ bha ia ka u kdup bad ia ummat ba tuid arsut ki arliang ngab jong ka u pynñad.

Ka suiñ bneng ha kata ka step ka sngur phyrnal bha. Ki pynta bajyrngam ha baroh arliang ka lynti iaid jong

ki ki stem da ka jingshoh ki kjat sngl. Ki sladieng ki kaweh sngewtyñad da ka jingbeh ka lyer ba jai jai. Ki sim ha ki tnad dieng ki pynmih ia ki sur bamyllung. ki 'tiew dieng ki phuh itynnad ha ki tnad diengbah. Kumne ki seng ki khana lynter lynti baduh ban da poi ha ka jaka kiew kali.

Ka kali ka la pah ban leit noh. Ma ka na ka jaka shong ka phaidien katba ma u u kaweh ia la ka kti shuwa ban ia khlad na ka. U Phrangsngr ha hajuh u ieng sah khlem khhah baduh ba kata ka kali kan da jah na ka jingiohi jong u.

U la leit phai sha la iing marwei kum ka kali kaba tyl-lun khlem umphniang ha ka kor.

Ha kata ka janmiet ka la khie ka lyer, ka bneng ka la dum tliw bad u 'lap-praw u la jaw. Na ka jingkhahg i.t u Phrangsngr u peit shabar, katno u sngewkynjah bad sngew-blaw hapdeng kata ka miet. Shteng synña ka lyer ka la thanda, u 'lap-praw u la jah, ka bneng ka la shai pat bad ka sla khyndew ka thaba, ki shylluit syntiew ba snoh umslap ki phyrnai biang da ka jingshat u bnai bapyllun bha. Harud dpei basyaid, marwei u shong halor ka shuki bad ka miej ban pule kai ia ki kot jingithuh khana. Hynrei tang shipor hi kumba bret, ki khmat ki la ring shoh samthiab ryngkat bad jingkyjah ka shnong ka thaw. Ki jingmut jingpyrkhat jong u ki la her sha rngai bad phaloh tang sha ka—Hangta katba u dang jingl ha ki pyntha ka jingphohsniew u shem ialade bad la u jong u para, u Donsngl ba ki ialeit shongkai ha kawei ka iing trep jong kawel ka tymmen. Hangta kl la iapynleit por ban iathuh khana shaphang kane katai. Hadien kata, ka tymmen ka la iapur shaphang kawei na ki khun syiem babhabriew bad ba donakor kaba la wan sah kai hangta hajan iing jong ka na kawel ka hima ba don bor. Kata ka 'reitpah ka la bat shongkai ia ki da ki bun kynta na kl 'tien jali jaum bad u thylliej bapnah jong ka. U Phrangsngr haba u iohsngew baroh shaphang kata ka khun syiem, ka dohnud jong u ka la kyndeh ban twad jingmut khlem bniah shaphang ka jinglong jong ka na kata ka tymmen. Haba kata ka tymmen ka iohi ia kine arngut ki samla ba kl kwah ban iohi ia kata ka samla babhabriew, ka la kular hangta hangta bi ia ki ban pyniakynduh markhmat. Hynrei, shuwa ba kan

wan ialam ia kata ka khun sylem. ka la kyrpad ia kita ki samla arngut ba kin rieh shuwa hapoh khrum jingthiah. Tang shipor ka tymmen ka la leit khot ia ka khun syiem na kata ka persyntiew kaba don hajan iing jong ka. U la iohi ba ka khun syiem da ka jingpnoah thylliej bad jingpynbieit kata ka tymmen, ka la wan bud ia ka bad ka la iehnoh hangta ia ki khun skel ba ka ia lehkai. Hangta u shem ialade ba u la mih noh na ka jaka rieh bad u thiah da pyllup hajan jingkhaghah. Ka tymmen bad ka khun syiem ki la lyngngoh ngaiñ ban shem ia u hangta kum uba la iap. Da ka jingbymbanse ka khun syiem ka la rung kluk shapoh bad ka la kylli na kata ka tymmen ; hynrei ka tymmen ka la leh bun kam bad ka rung noh sha kamra shet ja ban leit trei kam. Ma u kum u bym tipel ei u la khie nangta bad u la peit lieb ia ka naduh kjat baduh kblieh hynrei u shem pynban da ka Darihun. Shipor ka Darihun ha ka juh ka rukom ka la shu peit sah ia u khlem da pynmih ktien el ei. U la iohi ia la u para u bym ioh lad satia ban mih nangta, u la shu sngap sia bad pynshah sa tang ki shkor ai u ki arngut kin iakren—hynrei em ki shu iapeit iwei-ia-iwei khlem kren wat tang shi kyntien ruh. Tang shu rung ka tymmen hangta - ka Darihun ka mih bak nangta ban leit phai noh. Ma u ruh khlem da sngewthuh u la leit bud bad leit on ia ka. Kumba shoh jadu aiu-re u la buddien kum u 'sew beh mrad ia ka skel. Khadduh, ka la iaid lyngba ka khlaw kaba dum bad itriem, nangta ka sa hiar arsut shaphang ka wahduid. Tang mar ia dei um ki kjat, ka phai dien wak sha u bad hamar kata hi ka khyllipmat ka kylla mawlong hapdeng kata ka wah. Ma u ruh da ka jingshobbieit u la leit kynrup ia uta u mawlong. Thret u kyndit noh na ka jingphohsniew bad u shem ialade ba u dou halor ka miej bad ka kot ha madan, U ieng joit nangta bad u la leit beit sha kamra thiah ban pynjah thait,

---

## Ka Bynta : 13

KATNO u bah Lumlang u sngewkmen ban iadon ryngkat bad la ka khun baleit, ka Darihun, kaba la mih jngai na la iing ban leit wad kamai kajih na ka bynta ialade

bad la ka iing ka sem. Ym tang shi kpa shi khun ki lakmen, hynrei ka kmlenah bad i khun jong ki ki la iapynlut por ha ka ban iathuhkhana shaphang ka jinglong, ka trei ka ktah ba kata ka jaka bad ka rukom lm ki brieu ha kata ka thaiñ ba ka Darihun ka leit hikai. Kumne ka Darihun ka la pynlut por bad la kiba ha iing da ka jingkmnen bad jingkylluid mynsiem.

Marwei haba thish ne haba shong kam ju klet ia la u jong u baieit bad katno tam haba ka kymaw ia ki por ba ki pynlut haba ki iadon tang arngut hi la ha iing ne habar haba ki ialeit iaidkai pynggad. A ! ka ap ia ka por ka samoi ba sa tang khyndiat sngi kan iashem par ia u:

Ha kawei ka janmiet, hapdeng ka mynsiem bakylluid ka Darihun ka sngewhun ban leit shongkai ha ka kamra ba don u kpa jong ka: Hangta, ka la phla madan ha la u kpa ia ka jingiadel jong ka bad u Phrangsngei ia uba ka la jied na kawei ka 'persyntlew babun ki rong ba ia ka jingim ruh ha u ka la dem aiti bad shaniah tylli. Hynrei ka bneng bad ka khyndew ka la tied pyrthat rkhiang, ka ramew ka ud, u mawsiang jingieit u or pait haba u kpa jong ka um suk ia ka ban ia poikha bad uta u nongrep. U kpa u tang iohsngew ia kane kaei kaei na ka khun baieit eh, u la suhjer baroh shiryinieng bad kiew saw ki khmat. U dap sa tang ka jingshaiong ngaiñ bad jingkthang ka dohnud haba um shym phohsniew mynno mynno ruh ba kan leit jiu kum kane ha ka khun baieit thep mynsiem jong u. U kpa da kaba tyngch u la hukum ia ka ba kan khlad noh shisyndon na u kam pher wat la ka dur jong u ka long kum u 'naikhadsawsynñia. Hadien ka jingmai jingtim ia la ka khun, u sa sneng bad pyni suki jai ia ka. Ma ka ruh na ka jing-tieng ka la sdang heb mynsiem biang.

Ha ka u la ong — "Ko khun baieit jong nga, tang ha phi ka jingim bad ka jinglong ka iing ka sem ka ap. Lada ma phi phin pynlah ia ka hukum jong nga, kata ka mut ba phim ñiewkor ia la ka kmie u kpa kiba la pynheh pynsan ia phi katne. Shuwa ba i mei jong phi in khlad na na kane ka pyrthei, i la pynkhamti ha nga u kpa ban ri sumar ia phi kyndong la ha ka bam ka dih, ka iaid ka ieng, ka kup ka sem, ka kot ka sla bad khamtam eh ha ka burom ka akor ban btin lynti ia phi sha ki jinglong babha. Lada mynta ia phi ngam kres ngam pyni ia ka lait ka let, te kaei ka

kamram jong nga? Ma nga u kpa lada ngam tip bad iohi ia ka pyrthel kaba ltriem ngam nud ban ong. Pyrkhat ma phi ka brlew kaba don ha ka kyrdan, katba ma u pat u nongrep. Hael keiñ ka kyrdan jong phi kan shong haba ia u phi leit ban jngoh. Nga nang sien syntiew ia phi haba phi don hajan ne shajngal, hynrei ngam tip keiñ khun ia u phi leit ban khroh."

Ka Darihun hadien ka jingpynl bad khang lad u kpa, ka la iam pangnud baroh shlmiet khlem thiah haduh ban da shai.

Shitawew lynter, kam tip kumno ka sngl bad ka miet ka iaid. Ka khmat jong ka kam kwah wat tang ban iohi ia ka jingshai. Bad miet la bad sngi ka dem pyrkhat kumno ran rai ialade. Ka ham ka dih ruh tang ban lait im. Ka kmienah haba ka la iohi ia kane ka jingpang mynsiem jong ka, kam lah kum ka para kynthel ban shu ngap mynthl. Ka la leit kum ka kmie ban kynjoh ktlen bad ia syllok khnang ban pyntgen bad pynklet na ka jingkyrmaw ia uta u samla. Ka Darihun, halor jingthiah ba weibriew ka dem bad kynmaw ia ka khmat ba lui lui jong u, haduh ba kam lah khlem da jngi biang sha kito ki por bakordor ba la leit noh.

Ka khmat jong ka la i kum kaba wan na rngai. Katba ka shyntur jong ka ka dang pynsgew ha kata ka kamra ba kynjab, ki ummat kthang ki la tuid halor ka syngkhieh. Hynrei haba ka la pyrkhat bniah bad pynshongdor ia ki kyntien ba myllung kiba u kpa jong ka u la pynsgew, ka la khie jolt na ba ka thiah bad shim ia u khulom bad ka kot-sada ban pynpaw lyngba ka dak sha la u jong u baieit shaphang ka jingbymlah jong ka ban aiti ialade ha ka liang ka jingleit bad kumjuh ruh ia la ka jingim ha u Pbrang-sngi. Katba ki kyntien ba kthang ka khlei ha ka kot-sada ki ummat brep brep ki tuid ha ki arliang ngab. Hynrei, da ka jingbymbanse ka la rai kut halade ban loit syndon ia u kynjrl jingielt uba ka la deng baroh shikatta.

## Ka Bynta : 14

KATNO u Phrangsngl u dap da ka jingkmén bad phuhsamrkhte haba u la ioh pdiang la ka shithi jong ka Darihun na u nongrah dak. Da ka jingkmén u kyrmen ba un ioh ia ki khubor bathiang na ka; hynrei, a! ka lanot ia u. Kaei kan jia um lah ban mutdur. Katba u dang loit ia ka sop shithi, ka la hap ha madan na ka kti, kum ban pynpaw ia ka pharshi kaba un sa iohi tang khyndiat sekhon.

14.1.19

*“Bah Phrang baieit,*

Shibnai tam mynta ngam shym la lohlah ban kynjoh ktien bad phi markhmat ne lyngba ka lyngkdop shithi.

Baieit, katno ka long kaba thiáng eh ia nga haba nga ioh lad pat ban pasiaw khatduh ha phi ia kiei kiei kiba kyr-soi ha ka dohnud jong nga. Nga ngeit ruh ba phi don hapdeng ka jingkoit jingkhiah krat bha da ka jingsumar U Blei Trai Kynrad najrong bad kumjuh ruh ia nga shane.

Naduh nyngkong ka sngi ba nga wan ban aiti ha phi, ka dohnud jong nga ka iai shon ba ei ei ia phi nga mut ba ngan ong. Hynrei kumba nga thrang, ki lad ia nga kim khang ha kito ki por. Bunsien ia ka dohnud basliang jong phi nga kwah ban pynbiang, hynrei, a! mynta nga iai khang ba ki lad ia nga ki khang. Bah Phrang baieit, phi la tip ba nga long kaei? Ha iing nga don bad la i pa pa. Hato ka dei ne lait ba ia i ngam dei ban pynlah. Katne nga ioh ia ka rynteng bad ka jingstad, khamtam ka burom bad ka akor ka dei na ka jingbtin lynli ka jong i. Shisha, nga ju pyrkhata u kynjri jingieit un long shirta hapdeng jong nga bad phi hynrei mynta nga shem da khongpong. Ka jingieit, banylla bad janai ba nga la theh ha phi kat haduh kine ki sngi ka long pynban u teinthat uba kynthah btiar ia ka dohnud i pa pa. Ani! nga sngewsih keiñ ban pynpaw ia kiei kiei kiba nga shem bad iakynduh ha kine ki sngi ba la dep. Man ka khyllipmat ka dohnud jong nga ka pjah slam haba nga shem ba kam don satia ka jinghun ne jing-sngewbha ha ka khmat jong i pa pa. Kata ka dei naduh

ba nga la phla ha i ia ka jingidei jong ngi arngut. La ha ka dohnud nga thrang dik dik ban dii ia ka umpohliw ka jingieit kiba jaw na u mawsiang ka dohnud jong phi; hynrei, a! mynta nga shem ba ia ka pung ka jingieit kaba ngi la iaphylliew tang arngut hi, la theh pynjngut da ka ktieh. Daei keiñ baieit ngan pynshngiam pat ia ka jingim kaba nga dei ban bret ha phi.

Baieit, katto ngan sa shu kynmaw ia ka khmat bajem-nud bad ba phuhsamrkhie jong phi kaba phi ju pynpaw ha man la ka por ba ngi iashem. Ka dohnud jong nga kan pait lada ngan wan ban iashem ia phi markhmat. Mynta hi nga sngewthuh shai ba da lei-lei ruh ngam lah shuh ban kup-ia ka jaiñkup ksiar ka jingieit kaba phi la pynkup baroh shikatta ha nga.

Ki sngi bad ki taiew ki iaidei ha nga tang ha ki jing-khuslai ryngkat bad ki ummat kthang haba ym don tang kawei ka minit ba i pa pa in pynpaw ha nga ia ki khmat sngewbha. Hynrei, nga la ioh pynban tang da ki jingmai jingtim suda. Ha kaba kut i la ong ba nga dei ban iakhlad noh syndon na phi bad in nym sngewbha ne suk satia katba nga dang iadon kti bad phi. Nga dap da ka jingsngewsih kthang haba kumne nga hap ban shu bthat noh hak dak ia u kynjri ka jingieit na phi. Da shisha nga la shu long ka nongshet kylla ia phi ban shu pynleh nohei ia ka por jong phi bad .... Katba ha ka jingmut jong nga, nga ju pyrkhat ba ka jingieit jong phi kan syrdoh skhem phewse, ha kum kine ki kiei kiei ngam banse keiñ ban kohnguh ia kiba haing katba ka jia. Phi i baieit, ban shu ryngkang ia ka hukum i pa pa ka long pyrshah ia ka mon ne ka jingkwah jong nga. Namar, barobor nga ju don kata ka jingmut ba nga dei ban pynhun ia i, kumba nga long ka khun ka baieit eh bad ba marwei jong i Mei. To ai ia mynta shipor kan long katba long, nga la rai kut ba nga dei ban pyndem shuwa ha ka jingibit jong i hi, bad U Blei Trai Kynrad narong Un syrpai syrpad bad plie lad plie lyni hi ma U.

Khublei shibun,  
Kaba burom bad kynmaw ieit ia phi,

*Ka Darihun"*



U Phrangsngi u tang mar iadep pule da ka jingbitar u kll bad kyrjaw ia kata ka lyngkdop shithi. Ki shkor ki ieng bad kiew saw, ki ngab ki saw kyrang, ka shadem ka tied khlem sangeh. Sa saisien pat u pule b'ang ia kata ka lyngkdop shithi ba la ran ban pynshisha la ka dei ne em ka jong ka. Ha kaba arsien u la pynshisha ba ka dei. Kumta beit beit u mareh sha kamra thiah Hangta halor jingthiah welbriew u dem pyrkhat. "Hato, ka jingieit jong i ia nga ban shu kut noh tang namar kiba haing? Em, kam lah ban long da lei-lei. Baieit, Darihun .. Bathiang! Balei? Balei te? Nga mut ba ka kyrteng jong phi kan long ka jingkyrkhu ia nga, bad kan iai sah ieit junom ha ka dohnud jong nga katba nga dang im ha kane ka pyrthei. A! Mynsiem ksiar shaei phi thmu pynban? Kael kaba wan pynshoi pynshad ha nga katne ban ieit ia ka rngal ba shet kylla? Katba phi dang don markhmat, mar kyliang phi syrpaï syrpuð ia ka dohnud tlang jong nga. Kum ka kmie ia la i khun rit phi khroh phi kjor, phi doh phi dait, phi sneng phi kraw ba ngan kohnguh ia ka jingpyni jong phi. Shuwa ba phin mih nangne khatduh ummat arliang ki mih. Ia ki ummat sngewsih ba tuid arsut ki ngab mar kyliang ngi iañiad....

"Phi ong ruh de ia nga, bah bah baleit, ai ba ka jingieit kan rhem, bad wat ai kan kut tang ha shiteng....."

U Phrangsngi haba u kynmaw kumne u lung ka dohnud. Uba pli u dei ban pyrkhat sani bha la un lehnoh ia ka ne un phai biang. Ki thied pyrkhat jong u ki suh kyl-laiñ. Ki ummat khuslai ki shu lang khlem tuid na ka bynta ka briew kaba u la theh nyngkong eh ia ka jingieit bad kaba u ngeit ba kan ym wan phai shuh sha u. Haba u tap ia la ki khmat, ka dur baphuh samrkhië jong ka ka paw ha ki syrngiew jingpyrkhat. Kumta u set kut ialade ha iing, khlem bam khlem dih baroh shi sngi. Wat ki jingri jingdup ki leh diaw kum kiba tip ne iohi ia ka dohnud khuslai jong u kynrad. Ki mih na ka sem bad wan phai hi ynda la dei ka por khlem u nongsharai.

Ki sngi ki ia ki nang iaid sted hynef ma u da lade hi um nang satia kumno un rai Synñla sngi u shu pyrkhat

ia la ka nusib, la un leit iakynduh ia ka sha la iing ruh u shem jingeh namar u dei ban jngoh ia ki kam ki duk. Kawei ruh ka long kaba eh ia u ban leit rung ha iing jong ka ha ka ban iakren bad u kpa jong ka, namar um shym da ioh lad ban da kynjoh ktien shuwa na ka. Kumta ka la pynlong ia u ban shu sngap mynthi.

—;0:—

## Ka Bynta : 15

U PHRANGSNGI u la kynshew shibun bah ka spah ha kata ka snem na ka rep ka riang bad na ki jingri jingdub. Kane ka la pynlong ia u ba u sngewdei ban phah khambun ka pisa sha la u para khnang ba un ioh pyndonkam ha ka liang ka jingpule jong u. Kum ha kaba thied kot thied sla bad ban siew ka dor kaba kham kor ha *hostel* ban ioh ka bam kaba kham bha ban ia kaba mynshuwa.

Ka jingpahuh pahal ka pisa ka tyngka ba la wallam da u hynmen ka la ktik pynban ia ka jingmut jingpyrkhat ha u para ban thaw lad kumno ban pyndonkam ia kata ka pisa ha ki kam bymman bad kam awria, hynrei ym ha ka liang ka jingpule.

Ha u Donsngi ki sngi ba khatduh ha skul-bah (College) ki long ki sngi kiba ialam ia u sha ka jinglm kaba lyngkar. Ki lok bymman ki la btin ia u sha ka lynti kaba ma u um ju phohsniew mynno mynno ruh, kata ka long sha ka thwei ka jingsniew.

Kumne ha ki por bym don klas u mih soit bad la ki lok sha ki jaka pynlut bad ring pisa. Ki kam sniew jong u ki la nang pynbrai bad pynlong ia u ban pep klas baroh shisngi lynter. Ym tang ba u ngop ha ka khalai hynrei ka pisa hi ka la pynithuh klol ia u bad ki samla kynthel ne shynrang. Haba u don bad kine ki theisamla ka sor kiba ma u um ju khmih lynti mynno mynno ruh, ki jingmut jingpyrkhat jong u ki her ym sha ki, hynrei sha ka Darihun ka theisamla ba donburom kaba u la iapmat myn ha ki snem ba la dep. Ynda u la kyndit bad tip briew u shem ia ka ba ka shu paw tang ha ka jingkyrkhet jong u hynrei ym ba ka don hajan kum kita kiwei.

Ha kawel ka janmlet ynda la biang ka bam ka dih u la phla madan ha la ki lok ia kiei kiei baroh kiba ma u u don ka jingmut la ka Darihun kaba long ka para klas jong u myn-nymwei. Ki lok kiba bud ia u haba ki iohi ia u lyngngeh bad ka said thma kluk-shi-kluk, ki nang pynshit shuh shuh ia u ba un sni ban ioh ia ka ha kti.

U bapli u Donsngi u khun ioh mon bad u para baleit eh jong u Phrangsngi, tang shiphang por u kylla long u riew thala. Kumno kan kren ka pyrthei kaba tip shaphang ka jingtipsngi jong u bad u hynmen ha ka por ba u dang don u kpa. Naduh mynta hi ka khlieng ka tyngab kan rah khu-bor pyut sha kylleng, ba tang khyllait ka kmie u kpa ki khun ki poi sha ka jingim kaba thala. Hato u ksuid siu-re uba la wan ban pynshol pynshad ha ka jingmut kiba lui lui jong une u samla? Ka jingpynjot lade ha ka por ka jinglong samla ka la pynlong ia u ba ngin khot u siej-liarngot

Kane ka jinglong jong u ka la pynlong ba un mih noh na *hostel* bad wad iing shongwai noh la ka jong khnang ba un ioh iaid mon mynsngi bad khamtam ha ka por mynmiet. Kumta u la pyntip sha la u hynmen ba un phah lam pisa kham bun ha kata ka tafew na ka bynta ban thied ki tiar ki tar ielaide ha kata ka iing ba un leit shongwai. U la ai shi bun ki daw sha u hynmen shaphang ka jingbymbiang ha ka liang ka bam ka dih bad ka rukom pyniaid jong kata ka *hostel*.

Hynriew sngi hadien, u Phrangsngi ha ka jingbymtip jong u ia ki jingmut arsap u para baiet eh—u la sngew-synei bad lynga ka jingmut jingpyrkhat haba u la ioh jingtip na u para. U hynmen uba pli uba hap ban kit ia ka khia ka shon ka iing ka sem bad ryngkat ka leit jia ruh ha ka por lum por lang ia ki jingthung jingtep; kumta um lait por satia wat tang ban buh kti. Kane ka la pynlong ia u ba un phah rah ia ki pisa ha uwel na ki para marjan uba u shaniah ban pynpoi sha u para ha kata ka sngi kaba bud.

Ka laispah shiphew tyngka kaba la phah lam da u hynmen ka la nang plie lad shuh shuh ia u Donsngi na ka jing-im lyngkar barit sha kaba khamsan. U ksuid ka jingpynshol u la nang ailad ia u ban lum ia ka jinglohnong na kaba ia khalal

mæn la ka sngi. Ka jingioh jong u ka nang bang bad nang brai ha ki kti ban ring shi ring ia kata ka spah.

Hadien katto katne sngi u la kheiñ ba ka pisa kaba u la lum na kata ka khalai ka la long kumba laiphew shah ne tam na ka tyngka ba u ioh khatduh na la u hynmen.

Ym don kiba nabar kiba tip ia kata ka spah ba kyrsoi kynsan lait tang katto katne ngut ki paralok jong u. Khnang ba un lait na kano kano ka jingpeitkhmat ne jingia-kynad ki lok, u la ai lem ha ki na kata ka tyngka ba u la khat. Kane ka jingleh jong u ka la pynlong ia ki ba kin burom bad kohnguh ia u kum u rangbah nongialam jong ki.

Ka jingim jong u mynta ka la long kum uwei na ki heh ki hañ. Ka iaid ka ieng, ka bam ka diñ, ka riam ka beit bad ka thiah ka dem la kum u patsha u bym pyrwa ia kaei kaei. Ka jingpule te ha u ka la nang blad nang blad naduh ba u la ngop na kane ka kam awria.

—;0:—

## Ka Bynta : 16

HA kawei ka sngi katba u Donsngi u dang iald kai shajan ka shong ba ka shong ka Darihun u la poi kynmaw biang ia ka jingwan on jong u ia ka ha ki por ba la dep. Kumta ha lynti hi u la rai ban phai sha ka lynti kaba lam sha ka iing jong ka. Ka jingmut u Donsngi ka long ban leit iakynduh ia ka ynda ka la wan phai na ka kam ba ka leit trei bad ban tyrwa biang sa shisien ha ka ba kan pdiang ia u kum u baleit jong ka. Katba kita ki jingmut jong u kim pat lap bakut, ngung u la poi ha phyllaw iing jong ka.

Ha kata ka sngi ki iadon baroh ba iing namar ba ka del ka sngi shuti. Ka riam ka beit bad u thylliej ba pnah jong n ka la pynlong ia ka Darihun bad ka kmie-nah jong ka ban pdiang sngewbha ia ka jingwan jong u.

Ha ka kamra shongkal, katba ka Darihun ka dang phiah kwai, ka kmie-nah jong ka ka nang iathuhkhana ia kane ia katai. Ynda ki la iashongkal kumba shikyntien kwai ne, la wan rung sa u kpa jong ka na ka kamra sum beit beit sha kamra shongkal.

"Phi dang shu dep sum ne?" la kylli u Donsngi da ka jinglehraiñ.

"O! nga nang mut u rlew phylla aiu-re. Shael phi jah phim ju wan mih. Lada ngam bakla, ha kawei ka janmiet nga sngew kumba nga iohi ia phi ha kawei ka taxi hajan Polo?" la kylli u bah Lumlang.

Ha kata ka por ka Darihun bad ka kmie-nah ki la ia mih noh bad ki ialeit sha kamra shetja ban trei kam.

"Nga bun kam phi Ma. Teng teng nga hap sa ban pep klas ialade tang namar ban iarap kam ia ki para shnong," la jubab u Donsngi la kum uba bun kam shisha.

"Kumno pat phi pynleit por ha ka jingpule? Balei ym don seh kiwei pat ki ban iarap ia ki? Nga ong iapbi, namar bun ki samla shongskul kiba stad bad minot katno katno ruh ki dang sah klas. Hynrei, ban shakri bun kynrad lei lei te." U Lumlang u la pyni da ka mynsiem ba sngewlem.

"Tip seh Ma ngan ong kumno? Kim don balei tangba kin leit kloï iarap shano kum ma nga. Kumta keiñ lada ngam leh ruh la sah sniew ei bad lada leh pat..... Mynta lei lei naduh ba nga la sah marwei ha ka iing shongwai, ym dei tang ban iarap kam hynrei sa ka ai jaka thiah ia ki de. Hoodid haba ki wan kumne ka pynthut shibun ia ka por khreh kot." U la pynshai u Donsngi kum uba long shisha kumta.

Katba ki dang iathuhkhana, ka Darihun ka la wan rah ki jingbam bad ka sha.

Tang mar iarung ka Darihun ha kamra, u Donsngi kumba shohbleit u peit khlip ia ka katba ka dang ai ia ka pela sha ha u kpa bad ha u.

U kpa ka Darihun ha ka khmat tymmen jong u u la iohi ia ka khmat ba lehrañ jong u Donsngi.

"To keiñ ngin ia dih noh ioh lap ba ka pjah, khamtam ka por khriat mynta," la tyrwa pynstet u bah Lumlang.

Thret u Donsngi u poi kynmaw ia ka sha ba u dei ban dih. Hynrei ynda u la dih ia ka sha kumba ar ne lai sien nguid u, shem ba kata ka sha kam thiang satla. Da ka jingbym banse u la shu dih la ka dih.

"Phi la thiang bah Don?" la kylli pharshi ka Daribun.

"Bah, shim uto u 'putharo. Peit ioh phi lehraiñ te....."

la tyrwa u bah Lumlang.

"Nga la thiàng," la jubab kyndit u Donsngi, u shim artad ia u jingbam. U la pynlut shipela ka sha bad uwei u 'putharo khlem sngewthuh ia ka bang ka thiàng. Hapoh mynsiem u la pyrkhat ba lehse ka la klet ban al shini.

Ka jinghymthiang ka shini ha ka pela u Donsngi. ka dei ka pharshi ka Darihun ba ka leh khnang khlem al shini. Kane baroh ka dei na ka daw ba kam mon satia ia ka jingwan jong u.

Ynda ki la iadep dih, ka lum ka lang noh ia ki pela ki pliang, nangta ka sa al kwal bad mih noh ialade.

U Donsngi ynda u la kylli bniah ia ka jaka ba ka leit hikai skul, u shem pynban ba ka dei ka nonghikai ha ka skul kaba sha ki thain jong u. Katto katne por ynda u la pynlut por bad u kpa jong ka u sa mih noh da ka jingkmén. Wat la um shym ioh lad ban iashongkai bad ka hynrei u kyrmen ba un sa iakynduh ia ka ynda u la leit phai sha shnong.

Ka mynsiem u Donsngi ka kmén bad kyndeh hadien ka jinglashem jong u bad u kpa ka Darihun. U da kyrmen ruh ba kan long kaba seisoh haba u kpa jong ka u leh jan ia u. Kawei kaba ktah ia u ka long haba u iohi ia ki khmat basngewsih bad ba thanglong ha ka. Hynrei u Donsngi um tip el el ia ka ba ka long u syntlew ba phuh hapdeng u shiah u ban sa kheit da u hynmen jong u.



## Ka Bynta : 17

KUMBA shibnai shiteng ba ka Darihun ka la pynlut ia ka shuti bad la u kpa baieit hynrei kam ju don wat tang kawei ka sngi ba kan leh sngewbha. Ka met ka phad ka la ring swai kum kaba pang khrew. Ki lok ki jor, ki kha ki man ki isynel ia ka jingkylla dur jong ka bad ki la iakyntu lem ba kan phah sumar bad dih dawai bha. Hynrei ki bapli kim tip kael kaba la jia ia ka. Hoold, ki dei hok ban nym tip ha la ka ling ka ling bad ha la ka jingshem jingshem, U

Bah Lumlang bad ka kmie-nah jong ka kiba tip ia ka daw ki la isynei kylla ia la ka khun.

Bunsien u kpa bad ka kmie-nah jong ka ki iawer bad ia khroh ban ialet kai pynggad shane shatai khnang ba kan klet ia kata ka jingshem. U kpa u ai ki pisa ba kan thied kino kino ki jingdonkam jong ka. Hynrei ki jingtyr-wa bakordor u kpa bad ka kmie-nah ki long lehnobel ba khmat jong ka. Teng teng don ka sngi ba ka shu thlah sa khlem bam khlem dih. U kpa u la thaw bun ki lad ban kah noh ia ka jingpyrkhat jong ka na uta u samla ba ka la ia leit. Shano, ha ka hi ka long kaba eh ban klet ia u wat la ka don hapdeng ka jingbym suk jong kiba hatng.

Saw sngi shuwa ba kan leit phai sha ka kam, u kpa jong ka u la pynlong ka khawai sngewbha tang shiing bi. Ha kata ka sngi, ka kmie-nah jong ka ka la wan siew ka doh ka kah, ki jingbam ba bun jaid bad kiwei de ki mar ba donkam ha kata ka sngi.

Ha kata ka janmlet hadien ka bam ka dih sngewbha, tang sawngut hi ha kamra shongkai ki iashong syald ding harud u atoskhana, Hangta ki seng ki khana kylliang kylliang bad ka jingiarkhie sngewbha. Ka kamra ka la syaid da ka jingrhem ka ding, u kpa ruh u la sdang ban twad jingmut ia la ka khun heh da kaba ialapkhana ia ka kam shongkha shongman ki briew ha ki juk jong u bad ha ka por mynta.

"Haba nga peit nga shem ba u Bah Donsngi u long u briew uba i don akor ha ka ktien ka thylliej. U kren ruh kum u rangtah ba shisha. Ha ka riam ka beit ne phin ong; lehse u del u briew uba ioh bakot. Lada del lei u samla uba la don kam don jam nga tharai....." la kren jynsur mynsiem u kpa ha ki.

"Nga nang mut i Bah Don i la trel kam, o.....plengt idang leit pule seh?" La kem ktien ka kmie-nah ka Darlhun.

"Kmie nga te nga khuslai ia i Rihun, hynrei nga kyrmen ba U Blei Trai Kynrad Un plie ka lad ka lynti ba ha kane ka iing un poi da u briew uba don burom bad uba don kyrdan. Lada don u briew uba kum u Bah Don, nga tharai.....", la pyrshang tih jingmut u kpa.

"Pa-pa, ngam kwah ia phi ba phin khih khuslai na ka bynta jong nga. Ia mynta hi, ngam pat kwah ban shongkha bad uno uno bad wat ia u briew uba phi ia mon. Kan kham bha ia nga ba ngan shong shuwa kumne." Ka la kren kum ka bym salia.

"Kaba dei khun kaba phi ong—Kumba phi long ka khun thep mynsiem jong nga, phi la kohnguh ha khmat jong nga mynha kane ba phin khlad shisyndon na uta u nongrep. Lada jia ba phi leit ia poikha bad u, ka pyrthei kan ong kumno? Ma phi ka nonghikai skul katba ma u pat u nongrep ha nongkyndong. Phi tip khun ba ka kam shong kha shongman kam dei kum ka jinglaleh khunjakai ki khynnah rit, hynrei .....Nga u Kpa lei lei ngan shu hun lada phi iakynduh bad u briew uba don burom, akor bad kyrdan. Ha ka jingshisba ngam dei eh ban bun ktien, phi la sngewthuh hi. Tangba lada ngam kren ne pyni ka long ka bym dei ia nga kum u kpa". U la pynsngew u kpa ha la ka khun da ka jingphuhmut phuhmat.

Ka Darihun ka la shu pyndem u ñuhmat khlem kren. "Ia keiñ ngin iathiah noh, i Rihun bad i Bihrit ki la ia-shoh samthiah," la ong ka kmie-nah ka Darihun.

U Bah Lumlang u la peit por na ka baje kti. Are ! la la klol don shipbew shiteng. Ka la miet bha ym dei. Kumno mo khlem lap ba sngewthuh? Khie khie iathiah noh baroh."

## Ka Bynta : 18

Ha ka por janmiet ka Darihun ka la poi ha ka shnong ba ka leit hikai skul.

Ka tang mar ia hiar na ka kali, uwei na ki khynnah skul jong ka u la iohi bad wan iarap pynrah ia ki tiar ki tar sha kata ka iing ba ka ju sah. Ka la pyrshang ban twad jingmut na uta u khynnah rit shaphang u Phrangsngl, hynrei um shym lah batai satia. Katba ka dang laid ba kata ka lynti ryngkat bad uta u khynnah rit, ki jingmut jingpyrkhat jong ka ki la phal blang sha kato ka por ba ka dang laiaid bad u Phrangsngl. Katno ka sngewkynjah bad sngew-



blaw. Ka iohi sha jngai ia ki masi ki blang kiba iaid beit khlem bam phlang. Ki dieng ki siej kim i kwah khih na ka jingbymdon ka lyer kaba beh.

Tang shu pol ha ling ka la buh jingmut ban kylli na ka trai ling shaphang u Phrangsngi, hynrei kam sngewnud namar ka dap da ka jinglehrañ. Kumta ka la shu pynhun noh ialade da kaba kan leit iakynduh hi lashai. Haba ka don marwei kumne ka la lynga pisa ba balei katta por kam ioh jubab na la u baiet jong ka. Ka Darihun wat la ka la kular ha khmat u kpa bad ka kmie-nah ba kan ym leit iakynduh shuh, hynrei ka jingieit ba shisha bad ba kordor jong ka ia u kam lah satia ban pyndam. Ynda ladap 1:17 mynmiet ka la kiew halor jingthiah bad pynleit jingmut na ka bynta lashai ka sngi. Katba ka dang dem halor jingthiah ka la kren welbriew. "Bah-bah baiet ! ..... Balei phim ai jubab? Ka dohnud jong nga ka pang haba kumne phi sngap jlang jlang. Hato ngam leit ia phi ?

"Ar bnai mynta ngam tip phi jla aïu, wat tang ka khmat ruh ngata iohi. Nga nang pyrkhata ba phi ieit ia nga kumba nga ieit shisha ia phi. Lada phi ieit kumba phi la khlei ha nga phin jin da la wan jngoh shisien ma ia nga. Phrang ! nga mut ban ong bah Phrang baiet. Jingieit nylia kam ju kylla. O ! balei phi dom phi bitar ba nga thoh kumto ia phi. Em-em, Bah-bah ! ngam shym mut ban khled na phi.... da lei-lei ngam lah ban khled, hynrei, dei na i pa pa te ieit ? Jubab seh, ngan thiah suk noh bad phi." Hynrei, tang hapteng khyndiat minit ki khmat jong ka kim lah shan shuh bad ka la iohthiah jlang. Lehse ka thait bad tlot ka met na kaba shong kall jngai.

Shiteng synñia ka marlang ha kata ka shnong ka la kynjah, bad ka phyrnai itynnad da ka jingtyngshaiñ ki khlor bad jingshai u bnai, hynrei ma ka pat ka dang khih pisa ba ka jingphohsniew. Hana ba ka la iohi ialade ba ka kit shisong ka jaiñ ban leit sait sha wah. Katba ka dang noh arsut sharud kata ka wah, kyndit-kyndit u lyoh u la kiew nangta na phud wah. Ka shem ialade ba ka sangeh noh bad pynshad ki khmat shaneng sharum da ka jingtieng hapteng kata ka jaka ba kynjah. Ka ieng thapngur kum ka diengiäp-

lok katba ka dang rai ha lade la kan biar ne phai noh sha  
ling. Ha kata ka por ka la iohsngew ia ka sur rangbah ba  
rwai sngewsynei kaba nang wan shajan jong ka na phud  
wah—

“Baieit, naduh nyngkong ka sngi,  
Kumba nga wan ban jied ia phi ;  
Jingieit shisha to al kan neh,  
Wat la bun slen kin jia jingeh.

Da lei lei ngan ym lah ban khlad,  
Lada jingieit na nga phim blad ;  
Ngam lah ban klet iapor iaid kai,  
Ba jingieit ha nga ba phi phla shal.

Wat nym shukor ia nga mo leit,  
Ne shiteng por ban suh pynbielt ;  
Namar jingieit ngan theh baroh,  
Bad burom ruh na phi ngan ioh.

Ale ale baleit jong nga,  
To wan kloi noh shajan bad nga ;  
Nga tmang hangne ban shong marwei,  
Ban khlem maphi te ha pyrthei.”

Tang mar iajah kata ka sur, ka la iohi kynsan ia u  
Phrangsngi ba u shong halor u mawsiang ha khmat jong  
ka bad u da wlatamrkhe artad ia ka: Hynrei, shuwa ba  
kan kynjoh ktien ka iohi pynban ia u Kpa jong ka ba u  
shong ha ka jaka u Phrangsngi. Ka la pyrta ia u Phrang-  
sngi, “Bah-bah hangno phi don ngam lah ban iohi shuh  
ia phi, balei phi sheptieng ia i pa pa seh? Ale noh seh  
baleit, ale wan khot noh ia nga.” Ha kata ka por kam iohi  
shuh lano lano ha uta u mawsiang, hynrei sa tang ka sur  
jingrwal kaba khot ia ka ban buddien. Katba kata ka sur  
ka nang jngal na ka, ka shem lalade ba ka buddien hapteng  
ka jingdum u lyoh—

“Wat la i pa la phi i khang,  
Hynrei jingieit la nga phi thrang ;  
Hooïd, dohnud ruh ka iai pang,  
Haba phlm lah ban pynbiang lang.

Ummat kordor kin tlor na nga,  
Ba phin shu ong ban khlad shuwa ;  
Hynrei da lei lei kam lah long,  
Haba ia phi ngam shym pynmong.

Wat la ki bein ne tim pynbud,  
Jingkren jong ki wat nym batnud ;  
Ne wat ia phi kin khein riewkal,  
Hynrei jinglong to lai tyngkal.

Ale ale baleit jong nga,  
To wan kloï noh shajan bad nga ;  
Nga tmgang hangne ban shong marwei,  
Ban khlem ma phi te ha pyrthei.

Tang namar lajah blang kata ka sur, ka shem lalade ba ka don hapoh um. Ka la jhieh baroh shiryñieng. Ka la kyn-dit thret na ka jingphohsniew bad ka weng ia ka nepbah kaba la tap-op ia ka. Ynda ka la peitmat ka shem ba ka syep ka la pynsgem la ka met ka phad jong ka. Ka khie jolt na ba thiah bad ka la kren marwei ha kata ka kam-ra. “Shano kumto, nga poi lalade. Ne ba nga kum pynleit jingmut eh tang ia l.....?” Ka shim ia u jingpruid bad tbeh ding ha ka sharak ban peit por na ka baje kti kaba ka deng. “Are ! la kynjat shai du, saw shiphew minit” Ha-dien, kam nang ioththiah shuh. Ka shu shong sah halor jing-thiah bad pynleit jingmut ia kata ka jingphohsniew haduh ban da pol ki kjat sngi ha ka kamra thiah.

---

## Ka Bynta : 19

KA DARIHUN la poi ha phyllaw iing u Phrangsngi shuwa ba kan sep ka sngi, ha ka sngi babud ynda ka la wan phai na skul. Ka la lyngngoh haba ka iohi ba ka iing ka khang khyrdep, la kan kylli ruh kam ioh lad. Kumta ka la pynlong ia ka ba kan ap ioh ba u dang don sha lum haba ka shem ba ki blang ki masi kim pat shym la poi sha sem. Katba ka dang shongkai kumne ha baranda kumba shi kyntien kwai ne ka la iohi ia u ba u la wan phai ryngkat bad ki blang.

Haba u la poi ha phyllaw, ka la kren ia u bad ma u ruh u la jubab iaiaid artad kum u bym patiaw ia ka. Ma ka ka la shu bud nadien jong u katba ma u pat u dang lum dang lang ia ki masi ki blang ha sem.

"Phi wan mynno, bad lano phin leit phai?" la kylli u Phrangsngi da ka jingbitar.

"Nga wan hynnin janmiet," la jubab ka Darihun.

"Phi wan lei hangne?" U la phai biang sha ka.

"Baicit, balei phi kylli kumta ia nga—hato ngam don hok ban wan kiew hangne?" Ka la kem ktien da ka mynsiem kaba khoi khoi.

"Iano phi khot Baicit, ia nga ne iano?" la woh nia u Phrangsngi.

"Phim kwah ban iohsngew ei ei na nga ne ba ngan don hangne bad phi—lada phi ong phim donkam te ka la shu biang bad lada phi sngewdei ia nga ba ngan pynpaw ia kael ba nga don ban ong te kan bha ba ngin da iakren hapoh ling, ym ban shu thad hangne habar," la kem ktien biang ka Darihun.

Ynda ki la rung ha ka kamra shetja, ka Darihun kumba ka ju leh, ka la shim u shangkwa bad iasong kwai ia u bad ialde. Hangta, ka la sliew ka ding ka theh katba ma u pat u dang salt ki sait kjat. U Phrangsngi u bym i salia ia ka jingwan jong ka, u la shu peit lyngngoh bad ha ka mynsiem u pyrkhat kumno haba myn ha kato ka pyntip ba kan leh-noh ia u hynrei mynta pat ka.....

Katba ka ja ka dang thnam phaloh ha u khiew, ka Darihun ka la khlei lut khoit ia kiei kiei baroh kiba u kpa jong ka u la leh bad kren pyrshah ia ka jingidei jong kl. Ki kyntien jong ka kl la pynkylia ia ka dohnud ba kthang jong u. Kum uba leit um lah khlem da pyrkhath bad sngewlem ia ka jingshem jong ka. Ynda u la sngew jem u khliang u syrpal ia ka dohnud bapjah jong ka da kl ktien sngewlem. Kumne kl sa labteng ia kl khana ryngkat bad ka bam ka dih;

Ha kata ka miet katba kl dang iashong syald ding harud dpei tang arngut hi, kl sur ba myllung na kl kl ruug bad kl mih. Ki jinglateh kulur kl la mih na baroh ar liang ba lada jia kano kano ka khia ka shon, ka juh ka sur ka dei ban don hapdeng jong kl.

“Ko Baleit jong nga, nga hun ka mynsiem bad ka met ka suk haba ba phi nga wan ban aiti lut,” la phla ka Darlhun. “Ha kine ki sngi ba la dep katno nga lynga nga khiih pisa—namar ngam shym la pol pyrkhath ba shaphi ngan dang wan phal pat. Hynrei, hapdeng ka jingtied u pyrthath ia nga phi wan ban shimti na kiba ha iing. Naduh mynta, ryngkat bad phi baleit ngan dih ia ka ’er-batemon kaba beh na ka dohnud jong phi: Ym kum ha kl tafew bad bnai ba la dep ba ka dohnud jong nga ka mong bad ka jingim ka suhsat hapdeng ka jingshahteh shakhum kl kynjri kiba ha iing. Mynta, ha kane ka premmiet kslar nga sngew ba ngi long kum kl sim shijur kiba pynmih ia kl sur jingrwai bathiang. Bah-bah ba sngap katno itai i wahduid hangtai ha lyndet i pynmih bad kynud sngewtynnad da ka sur ba myllung. Nga kyrmen skhem ba tang bad phi ngin jngl ryngkat ryngkat ha ka pung ka jingleit. Wat la ngi dei ban iald lyngba kl lat lat ne lynti ba kyllain, hynrei da ka mynsiem kaba ialong kawel ngin thom khlem salia.”

“Hoold Baleit, kl kyntien kiba phi khlei kim long shuh kiba phylla ha nga”, u Phrangsngi u la ai ka jingkyrmen ha ka. “Hato phi ju pyrkhath ne phohsniew balei ba phi wan ban shong treikam shaduh sha kane ka jaka? Nga tharai phim shym la mutdur mynno mynno ruh ban long ka

nonghikal skul bad ban ioh kata ka kam sha ka jaka kaba jngai na ka iing ka sem. Te, ha ka kam iashongkha shongman hi ki kupshiliang ki semshiliang ki ju poi ha ka iing ki khun binong bishon, bad kiba na mihngi sha sepngi ..... Hato, kane baroh kam dei ka jingpyniaid Uba najrong? U Blei Uba thaw ia kiei kiei baroh, Uba buh ryntih ia ki met bneng, ia ki mrad ki mreng, ki sim ki doh ha kane ka pyrthei. Kumta, ha ka jingstad jong U, U la ibit ia phi ban pynphai ia ka jingleit jong phi ban theh ha nga bad ba ngin ielong shitnga lyngba kane ka jingwan jong phi shane. Nga tip shai ba kane kam long kaba sang ba ma ba ngin poi sha ka kyrdan ban iashongkha shongman. Wat la kiba ha iing ki khang pyrshah—hynrei ka jingiet ba la seng na ka kut shadem jong phi ia nga kan syrpaia ka dohnud jong ki ba ngin iapoi sha ka jingbha. Te ngin pyntyllun ia ka mynsiem ha U Blei Trai Kynrad khnang ba kan nym doa ka jingiashun ne jingiapeit khmat hapteng kiba ha iing jong ngi. Namar ha ka jingim hi ngi dei ban iakynduh shibun ki jingeh bad iaiaid lyngba ki raieh raidam.”

Kane ka la pynlong ia ki ba kin nym long shuh ki nongshun iwei-ia-wei hapteng kata ka jingiet bym lah batai. Ka la pynlong ruh ban klet wat ialade ba ki don hangta baduh shiteng synia. Ki khmat jong ka ki la sdang ring tlot bad ka met ka tlot ka swai na ka jingiaid lynti jngai ha kata ka ngi. Kumta da ka mon bakylluid ka la aiti ialade ban dem ha ki ksang kti jong u.

Ka shnong ka thaw ka la kynjah jar. Ka mariang ka phyrnal itynnad da ka jingshat u bai ba pyllun bha. Ki khun bynriew ha la i trep i trep ki pynleit por ialade ha ki pyntha ka jingphohsniew, ki jingri jingdub ha la ki sem ki thiah suk mynsiem bad kumjuh ki sim ki doh ha ki skum ki dem jahthait; hynrei kine arngut ha kamra bawel-briew ki phylliew ia ka jingleit ba ki don. Ka Darihun ka thiah kynjai halor ki ksangkti jong u. Kane ka la pynlong ia ka ba kam kynmaw shuh ba hangno ialade ka don. Ynda ka baje ka la tied khatar dieng, thret ma u

ruh u la kyndit. U shem ia ka sek sek ka dang pynhlar mynsiem U kyrsiew ia ka hynrel kum kaba ruma ka piam ia u na ryndang. Ka peit lieb ki khmat bad ki ummat brep brep ki tuid ersut ha ki arliang ngab. U pynñiad ia ki ummat jong ka bad u ialam sha kamra thiah ba kan thiah noh.

"Darihun! Balel phi iam sngewsih... ? Hato katne nga leh na ka bynta jong phi phim pat hun ? Sngewbha jubab baieit. Nga long uba kloï na ka bynta jong phi ban pdiang ia ki jingkyili ba phi kblei," u ia khroh ia ka.

"Bah-bah, ka jingjawummat jong nga kam long na ka bynta ka jong phi, hynrel namar ba nga la jam palat ia u pud hukum i pa-pa. Nga la thom ia ki jingsneng bad jing-pynl jong i. Katto, ka jingjah burom kan wan tap ha ka iing ka sem jong ngi bad ki brlew kin kren ia....." Ka la kreu da ka mynsiem ba kyndeh.

Hangta hapdeng ka mlet, ki shong syndah ha kaba ki khmat briew kim kot ban iohi. Hynrei ki khlur baphyrnai bad u bnai ba thaba ki per ha sahit bneng ia ki ban sakhi. Na u Phrangsnegi ka sur myllung ka mih katba ma ka ka dang bishar ia ka dur ba bhabriew jong u. Ia ka ban pynntngen da ka sur bajem u kynud—

"Ale Rihun, to pynpalel,  
Shisnieh pyrthel phin phylla lei;  
Ka poi ka for hi ia baroh,  
Shijur shijur U Trai U thoh.

Kam pher jingeh la del ban mad,  
Haduh ba yn da kut ki lad;  
Kam pher la shah kren da kumwel,  
Ha khmat i pa, ne ka pyrthei.

Kiwel pat kin ym don ba lah,  
Lynda ngi arngut ngi la shah;  
Ym don kiwei lynda aili,  
Ban wan pynpra jingieit jong ngi.

Al ba jingleit jong ngi mynta,  
 Kan long kum kslar ba nylla ;  
 Wat lada thang noh hapoh ding,  
 Ba kan ym iong noh kum u pring.

Tylli ngin ieng jingleit baskhem,  
 La del ban tur ha ding barhem ;  
 Da jingialshah bad jingialneh,  
 Ym don kynjri balah ban teh.

Al ba pyrtbel ki khmat kin shat,  
 Ne kin rkhe bein lada ngi pat ;  
 Hynrei kyndit kin sa lyngoh,  
 Lada hadlen jingsuk ngin ioh.

Skhem leit nga shanlah tang ha phi,  
 Wat la ki khmat ngam lah iohi ;  
 Dohnud baskhem ban tur jingeh,  
 Jingmut shisha al kan ial neh."

Tang mar iakut ka sur jong u, ka Darlhun ka ioththiah  
 jlang.

"Thiah suk balet ka por ka la del, thiah suk ....."  
 Khatduh u kren ia ka bad u pyntap sa kawei ka jaiñ syaid  
 nalor.

Ha ka sngi kaba bud u Phrangsngi u la pynpaw ha ka  
 Darlhun ba u dei la kumno kumno ban phah wan shuwa ia  
 la u para sha shnong khnang ban ioh leit iakren lang ia u  
 kpa jong ka.





U Phrangsngl, ka Darihun bad u Donsngl

Ka Darihun ka la suhjer baroh shi ryntheng haba ka tip na u Phrangsngi ba u Donsngi u dei u para jong u. Baroh shikatta ma u um ju kynmaw ialap ne iathuh ia ka kyrteng u para, bad ha kawei ka liang ma ka ruh kam ju kynmaw kylli. Kane ka la pynlong ia ka ban kynmaw bang ia kato ka por ba ka dang iohi nyngkong ia u Phrangsngi ba u iasyiem dur ia u Donsngi. Kumjuh ruh u Phrangsngi u la lyngngoh ia ka Darihun haba ka iathuh ba ka ithuh bha ia u Donsngi naduh ka por ba ka ia pule lang ha ka Skulbah (college). Ka la iathuh ba u ju wan kai teng teng sha iing jong ka bad u kpa. Kata lei lei ka la nang pynlyngngoh shuh shuh ia u. U la ong ha ka ba ka la nang khambha ia u ban leit lakynduh ia u kpa jong ka da ka jingiaithuh lypa u para.

Kumta, u Phrangsngi u la rai ba u dei ban leit khot lang ia u para ba ka ban leit iakren ia u kpa jong ka. Nammar u tip ba ka long kaba eh ia u bad ia ka ban leit tur hakmat u kpa uba la pynpaw mynshuwa ia ka jingbysuk ha la ka khun.

A ! kaei ka ban jia ia u Phrangsngi u bym lah ban iohi ia ka jingmut u para bad ka Darihun baroh shikatta. U kyrmen ba u bah Lumlang, u kpa jong ka un suk ia u bad ka Darihun ha ka jingapoikha lada u para baicit jong u un leit ban lakren iasuk lang.

Na ka bynta kata, ka Darihun ka la shim shuti katto katne sngi na ka kam khnang ba kan leit lang bad u Phrangsngi sha la iing. Kumta ha ka step kaba bud u Phrangsngi bad ka Darihun ki la iamih ryngkat ban leit sha Sor Shillong.

## Ka Bynta : 20

HA kata ka janmlet u Phrangsngi lem bad ka Darihun ki la iapo sha Sor. U la leit beit sha ka jaka ba u sah u para, bad ka Darihun pat ka la nang leit sha la iing. Hynrei, ynda u la poi hangta, u la lyngngoh ngañ haba um shem satia ia kata ka iing shongwai ba thymmai jong u para. U la sel na pla ia ita i kot lyngkdop ba u phah u para ha kaba la thoh ia ka jaka sah khnang ban suk ha ka wad.

"O! shael kumne nga poi?" la kren marwei u Phrangsngi. "Lada ngam bakla ka dei na katai ka lad." Nangta u la phai noh sha kawei ka dong jong kata ka shnong. U la kylli artad iai id na ki briew kiba sah harud lynti. Hynrei, um ioh jingiarap satia ban shem ia kata ka iing.

Ka mariang ka la sdang kem iongreñ. Ha man ki iing ka jingshai ka mih bad ka surok ruh ka shai da ka jingthaba ki *street light*. Hynrei, dei tang kawei ka iingrit harud surok ka hym don jingshai. Ynda u la leit hajan u shem ba kata ka iingrit la khang tala. Kumta, u la leit wad jingtip na kawei na ki iing kiba don hajan jong kata ka iing rit. Ynda u la kylli bniah na kita ki briew, u shem ba ka dei ka iing kaba u sah u para.

Numa, u la dei ban hun haba u la lap ia kata ka jaka. Hynrei kaba pynlyngngoh ia u ka long halei la katta por um pat don ha iing. Nalorkata, kaba pynlyngngoh shuh shuh ia u ka long ba kita ki briew kiba u leit kylli ki ong ba kata ka iing ka ba u sah ka dei kaba u dang shu thied shen.

Katba u dang ieng pyrkhat hangta, la wan mih u Donsngi. Haba u la ithuh ia la u para, u la kren nyingkong. U Donsngi u la kyndit thret haba u hynmen u la don hangta. Mar kumta hi u la piie pynsted ia ka iing.

"Bah, rung ha iing seh!" la ong u Donsngi. "Phi la poi slem ne kumno?"

Ym pat da slem eh, hynrei nga shu shem jingeh khyn-diat ha kaba wad iing," la kem ktien u Phrangsngi "Phi la ioh ne em kato ka *Address* kaba nga phab?" la kylli u Donsngi.

Hooið, kane phi ka don ha pla. Hynrei ka jingslem ban shem ka long ba nga kum phai bakla na kawei pat ka lad," la phai ktien u Phrangsngi.

"Ialade phi khlaiñ em? Kumno phi leit klas man la ka sngi? Da minot tynggeh ho khang ba phin lait noh mynta ka snem."

"Nga ruh nga kum slem ba nga wan donkam sha iing u paralok namar ba nga pep klas hynnin ka sngi na ka jingioh beiong khlieh. Mynta ruh nga sngew king biang ka-ta ka khlieh." U Donsngi u la ithuh kum uba da long shi-sha kumta. Ka jingslem u Donsngi ka long ba u wan na iing ki paralok ha kata iabam iadih sngewbha hynrei ym ban kylli

lynnong kot. Namar ba u la mad kiad khyndiat bad ia ki lok, u la leh men ud king khlieh ba khmat u hynmen. Kine baroh ki long ki jingleh mynleh jong u ne ka jingda rapjot khnang ba u hynmen bapli u bym tip ia ki buit shukor u para u la shu ngeit kat kaba u ong. U Donsngi u la leit thied ka ja ka jyntah na kawel na ki hotel kaba don kham pajih nangta na ka bynta ialade bad ia u hynmen. Kane ka jingleh u Donsngi ka la pynlyngngoh ia u hynmen. Ynda ki la ia dep bam, u la ong ia u hynmen ba ia lade un thiah noh namar ba king palat ka khlieh. U Phrangsngi hapdeng ka jingbymtip eiei u la sngewlem ia la u para bad pyntap jaiñ kham bun ba un dup syaid. Nalorkata u la pynkyllan umphniang ia ka khlieh u para khnang ba un iohthiah suk. Ialade u la thiah noh ha kawel pat ka palong.

"Hep, balel phim shet hi ia ka bam ka dih hynrei phi shu pynieng tang kine ki khlew ki plleng? Lada phi shu thied bam thied dih na shabar te kan pynsyurwa shibun," la pynsngewthuh u Phrangsngi.

"Balel ngam shet!" la ong kyndit u Donsngi, "hynrei dei tang mynta arsngei ba ngam sngew khlañ, nga sa shu shah kumto khlem bam ja bad nga shu phah thied tang ka sha. Teng teng lei lei ha ka por kbreh kot nga ju leh kumne."

Ha kata ka por, u Donsngi u la leh mynleh jyrhoh artad. Ka jingpnah u thylliej thok bad ka jingnang leh mynleh u Donsngi ka la pynlong ia u Phrangsngi ba un kohnguh ia kat kaba u ong.

Ha kata ka mlet u Phrangsngi u la kwah ban pynpaw ha la u para shaphang kata ka jingleit iakren ia u kpa ka Darlhun, hynrei kata ka jingleh mynleh u Donsngi ka la khanglad ia u. Bad u la kwah ruh ban kylli shaphang kata ka iing kaba u sah. Kumta u la kut jingmut ban iakren pat ha ka step kaba bud.

Kumba 10 baje mynmiet, la don kiba wan kyrslew iing ia u Donsngi. U Donsngi u la tbeh ding bad u shem ba u hynmen u la iohthiah lyngngai. U plie ia ka iing bad u shem pynban ia uwei na ki paralok uba la buaid lyngngoh bad u wan pan jaka thiah. U Donsngi u la pynshong ia uta u paralok habar bad ialade u la rung blang shapoh ban pynlip ia ka jingshai bad nangta u la khang khyrdep ia ka jingkhang na shabar.

Khnang ban lait na ka jingsuba u hynmen, solt u la mih ban leit on ia la u paralok sha iing. Ynda u la wan phai na iing ka jong u u sa wan phai kloi sha la iing. Sor u la plie ia ka jingkhang bad khang biang ynda u la rung hapoh. U la pyn neh biang ia ka *light* hynrei u shem ba u hynmen u dang iohthiah sek sek, ka lah ban long ba u la thait eh ha kaba shong kali jngai. U thiah biang ialade kum u bym tip ei ei.

Shuwa ba ka sngi kan mih na lyndet ki lum, u Donsngi u la dep pynkhreh ka sha na ka bynta u hynmen bad ialade. Dei ha kata ka por ba ki la iasdang iapur ia ki kam ki jam.

"Kumno hep, phi la pynkhreh bha na ka bynta ka eksamin?" La kylli u Phrangsngi.

"Nga sngew ha lade ba nga la pynkhreh kham bha mynta ban ia mynshem snem," La jubab jynsur mynslem u Donsngi kum uba la minot shisha ha ka jingpule. "Ka eksamin ruh kane sa tang khyndiat bnai; kumta nga dei ban minot tynggeh, lym kumta te ..... Phin da sah shuwa shane Bah ne kumno?"

U Phrangsngi u shu wiat samrkhie. "Nga tharai ngan hap sah sa shibit ka miet namar nga kwah pyndep kam shuwa shane."

"Phi don kam ban leit thied tiar ne .....?" La kylli u Donsngi.

"Em phi!" La jubab u Phrangsngi bad ka kti u trud ha ka khlieh.

U Phrangsngi u la sawkyrang ki ngab bad kyih baroh shiryngeng katba u sdang han ialap ha la u para shaphang ba un leit iakren ia u kpa ka Darihun.

"Hep, ngam banse keiñ mynta ban pynpaw ha phi u para ba ka don kawei ka samla kaba nga la iaielt kumba katto katne por," la ong u Phrangsngi. "Hynrei ka jlogch kaba nga shem ka long ba nga la iahap bad ka khlem da tip u kpa jong ka ne wat ma phi u para baielt. Nga pan map na phi u para namar nga la leh ia kaei kaba ngam shym la pyrkhat. Kumno pat mynta ngan kren ne sneng ia pai haba ialade nga la lam.

U Phrangsngi u la dem sngewsih bad jaw ummat ia la ka jingleh. U Donsngi haba u iohi bad u sngew ia kaei ba u hynmen u la phla u la sngew lem. Hynrei ha kawei ka liang u sngew kmen ba u hynmen u don ha kajuh ka jinglong kum ma u.

U Donsngi u la tur shajan u hynmen. "Nga hi kum u para, nga sngewkmen haba phin wan lalam ia i ha in long kum ka hynmen ne ka kmie la ngi ki khunswet," la kem ktien u Donsngi. "Bah, nga kyrmen ruh ba in don ka mynsiem kaba jynsur khnang ba ka jingiaieit jong ngi shi-para kan neh."

"Hooiid hep, kata kaba phi pyni ka long kaba dei eh," la phai ktien u Phrangsngi. "Tangba, ka jingeh ia nga ka long kumno ngan leit ban iakren ia u kpa jong ka. Bunsien u ju khang ia ka ba kan wan jan sha nga, hynrei hapdeng ka jinglong hriew ba duna nga la jam sha palat u pud. Ha ka jingpyrkhat jong nga nga sngew ba kan bha ia nga kum u rangbah ban leit iakren na ka bynta jong ka. Dei na kane ka daw ba nga sa wan shane sha phi ban ia leit iakren lang"

"Haba kumta, i dei iba na shano, ka jait aïu bad ki iadon katno ngut shipara?" la kylii u Donsngi.

"Ka dei ka khun marwel bad ka shnong jong ka ka long na shane sba Sor," la jubab u Phrangsngi.

"Phi iakynduh shane seh bad i?" la kylli biang u para.

"Ka dei shane keifi ba nga la ia ithuh nyngkong, tang-ba hadien nga sa ia shem biang sha shnong," la jubab u Phrangsngi.

"Ha shnong!" la phai ktien kynsan u Donsngi. "I leit lei sha shnong jong ngi?"

"Ka hikai skul la kumba shi snem tam" la jubab u hynmen. "Ka ong ba ia phi ruh ka ithuh bha namar ka la pule lang ha kajuh ka skul-bah (*college*)"

U Donsngi u la nguid umbiah bad u shu sngap khlem kren shiphang. U la trud ia la ka khlieh bad u la kynmaw ba shisien u bah Lumlang u la ialap ha u ia ka Darlhun ba ka leit trei shajan shnong jong u kum ka nonghikai skul.

"Bah, phi mut ban ong ia i Darlhun, i khuu u Bah Lumlang," la kem ktien u Donsngi.

"Phi ithuh bha ym dei ia u kpa jong ka bad phi la ju leit ruh shaiing jong ki?", la kylli u Phrangsngi.

Hooïd ! balei ngm ithuh. La ar ne lai sien nga la poi kai shaiing jong ka," la jubab u Donsngi.

Ka bneng bad ka khyndew ka shu stem ngit-ly-ngit na ka jingpyrkhat u Donsngi haba mynta u shem ba ia ka samla kaba u thrang baroh shikatta la kheit noh da u hynmen jong u. Ha lade u la pynshongdor kumno un khyllie la u ñiuhmat ha khmat jong ka bad kumno un kren ne kynjoh ktien ia ka kum ka hynmen kynsi. Nangta pat kaei kan jia lada ka Darihun kan phla lut ha u Phrangsngi ia ka jingleh ka jong u ha ki snem ba la dep.

"Hep, lada phi lait por shibit janmiet," la ong u Phrangsngi, "nga kwah ba ngin ñaleit shipara ban ñakynduh ia u kpa jong ka. Khamtam uba la ithuh ia phi bad nga ngeit ruh un mynjur ia ka jingtyrwa haba u tip ia ka jinglong ka ñing ka sem jong ngi ha ka burom ka akor."

"Bah !" la kylliang ktien u Donsngi da ka jingbltar, "ia kaei phi ong?"

"Nga ong lada phi lait por ngin ñaleit ñakynduh shibit janmiet," la pyni u hynmen da ka sur kaba jem.

"Kata te Bah, ka bym lah ban long," la ong u Donsngi. "Kam long kum ka jingñalehkal ki khyllung ba ngin rai ne pyrkhat hangne kumne kumne—hynrei ka dei ka kam-bah kam san kaba ngi dei ban da ia pyrkhat sani jai."

"Hooïd hep," la kem ktien u Phrangsngi, "kaba phi ong ma phi kaba dei".

"Ngi don la ka ñing ka sem, ka jaka ka puta," la ong u Donsngi, "kumta ngi dei la kumno kumno ban leit ñapyrkhat shuwa sha ñing kumne shipara ne ryngkat bad ki tymmen ki san."

Ka jingkren tip brlew u Donsngi ka la ktik ia u hynmen ba u dei ban leit phal shuwa sha shnong ha kaba ki dei ban da ñashong pyrkhat shipara ha la ñing, nangta kin sa leh ia kaei kaba donkam.

Kumta ha kata ka janmiet u Phrangsngi lem bad la u para ki la leit phal sha la shnong. U Donsngi shilynter lynti u la pynleit jingmut kumno un leh ne kren ha khmat u hynmen shaphang ka Darihun. Ha u Donsngi ka jingpyrkhat ka la wan ba ka jingñapait lapra kan mih hapdeng shipara lada ka Darihun, ka samla kaba u la

lapmat u leit thep mynsiem marwel baroh shikatta kan  
tashong bad u hynmen jong u.

---

## Ka Bynta : 21

U PHRANGSNGI lem bad la u para ki la iapoi ha la  
iing ha ka por 8 baje mynmiet. Namar ba ki la ia thait eh ha  
kata ka jingwan, ki la thiah noh tang shu ia dep bam ja.  
Kumta, ha kata ka miet kim shym la iakren ei ei shaphang  
ka kam kaba u hynmen u thmu; hynrei ki la ialap khana  
katto katne shaphang ka jingioh jingdub na ka rep ka riang  
bad ki jingri jingdub.

Katba u Phrangsngi u la pynleit shikynmaw ha ka  
jingiohthiah, hynrei u para jong u pat um nang ioththiah  
satia. U pyrkhat bad thaw ki lad kumno un pynhiar kput  
ia la u hynmen bad ka Darihun. U la pyrkhat ha lade—  
“Lashai ka sngi ngan pan jingkheih na ka jingmih jingioh  
jong ka rep ka riang, ki jingri jingdub baroh shikatta naduh  
ba i pa i la aiti ha ngi arngut. Kumta ka dei mynta ka  
kynti ba ngan dawa lut. Ngì dei ban iasam noh mar  
shiteng, lym kumta ka Darihun ka tnga baieit jong i bah  
kan sa wan leh trai khlieh halor jong ngi.”

Hadien, u la khie joit na ba thiah bad u la mad kiad  
khyndiat na kaba u la rah buhrieb na sha Sor khnang ba un  
ioththiah suk.

Ha ka por ban sa kynih u iar nyngkong, ka bneng ka  
la ud bad ka thaba khlek-shi khlek da ka jingtied u pyrthat.  
Ka sla khyndew ka la khyndiuh. Ha kata ka por u Phrang-  
sngi bad u Donsngi ki la kyndit na ka jingiohthiah haba ka  
iing jong ki ka khie bad ki jingri jingdub ki khie win da ka  
jingtieng hapoh sem. U slap u la jaw hadien kata ka jingud  
bad khyndiuh kaba la neb tang khyndiat minit. U Donsngi  
bad u hynmen ki la shu ia pynshah tang ki shkor. Ynda la  
jem u slap kine arngut ki sa nang ban ioththiah biang.

Dang step, katba ka sngi ka dang shoh ha ka sla khyndew  
basngem, ma ki ruh ki lum ki lang ia ka jot ka pei. Ki al  
jingbam ia ki sylar, ki smlang bad plie ia ki blang ki masi  
ba kin leit bam phlang sha lum.

Hadien ba ki la iadep bam ja step, u Phrangsngi u la  
ong ia u para ba kan bha ba un leit khot ia ka Darihun na



sha sor khnang ba kan don ryngkat ha ka jinglapynbelt jong ki. Hynrei u para jong u u la pyrshah ia kata ka jingpyn-paw: Hangta hi u para u la ong ha u ba kam don hok ei el ban wan tuklar ia ka kam i'ing kam sem jong ki. Kumta u hynmen uba don ka mynsiem bajynsur u la sngap noh khlem kyliang ktien.

Ha kata hi ka por u Donsngi uba la pynkhreh lypa ia ka ban pynkulmar, u la kynroi bad u la mai la tim da ki 'tien sniew 'tien smeh. Ym tang katta, hynrei ha khmat u hynmen u la sei sa ia u bilor uba don shiteng ka kiad bad hangta u la ang lut tang saw sien dih. U hyomen bapli u la shu ang kum u muid haba u iohi ia la u para ba kata ka dei ka sien kaba nyngkong ba u para u nud ban tim ban tla pyrshah ia u; khamtam lei lei haba u la nud wat ban dih kiad ha khmat jong u. U Phrangsngi shikyntien ruh um nud ang haba u iohi lei lei ba u kyrhuh la kum u khla bam briew.

U Phrangsngi u la ap haduh ba u para un da lah theh sei la ki ktien baroh—hynrei tang shiphang por u shem ba ka la lah ka kiad ia u, bad u la kyllon bad thiah lyter ha madan kum uba la iap. U hynmen haba u iohi ia kane u la sngewlem bad pait ka dohnud ia la u para baieit. Kumta, u la sumar ia u haduh ba un da tipbriew ryngkat bad ka jingduwai ha U Blei Nongbuh Nongthaw.

Ynda u Donsngi u la peitmat, u la khie joit bad u la ong, "Bah ka jingieit jong phi kum u hynmen ngam lah ler, hynrei u don u pud ia kiei kiei baroh. Phi tip mynta ngi la iarangbah lang bad nga hi ruh nga la don ka tyrpeng kaba khlaifi. Kumta ngi dei ban iasam noh la ka jong ka jong ka bynta kaba la buh da i mei bad i pa. Phim dei ban sngewphylla ia ka jingleh jong nga myntan namar phin sa tip shen.

"Na ka bynta i kong Darihun, nga sakhi lem ba i don ka jingim kaba shi sur, ka jinglong kaba bha bad ym don ba lah ban pynbudnam ia ka jinglong jong i kat kum ka jingtip jong nga. Ka jingkwah jong nga mynta ka long ba katno ka don ka pisa kaba mih bad kaba la don lypa khnang ba ngin iasam lang mar shiteng Sh'im kane ka kot iathoh khyndew, bynta ar bynta ia ka jaka hapideng jong ngi; hynrei pyllait noh ia kane ka iing—al kan sah ha phi bad ha i kong Darihun".

Ka jingkreu u para ka la dung la ka shylliprud u Phrangsngi. Hangta hl u la sat sia bad pyni ia ka bor nymen Ka la mih ka jingiamai iatim shithait na baroh arliang tangba kim ia shlan satia ban iaktah kti. Khatduh, haba u hynmen u la iohsngew ia ka jingkreu bein u para, u la khein duh ialade bad kohngub ban ai ia kata ka bynta kaba u dei hok ban ioh.

Kaba nyingkong eh, u Phrangsngi u la sel lut ia ka tyngka na synduk bad phrlang ha mdan khnang ban pynhun ia la u para. Ynda u la dep niew, u la buh ha lade ia kaba khyndiat bad ai ia u para kaba bun.

Hynrei katba u Phrangsngi u dang khreh ban ia sam ia ki syiar ki sniang bad ki blang ki masi; u para u la ai shun mynsiem ia kl baroh ba kin sah ha u hynmen. Kumjuh ruh ia ki iing ki sem kiba don hangta.

Khatduh eh, ki la iasam mar shiteng ia ka khyndew. Ki la ia kynton la ka jong ka jong ka bynta khnang ban ithuh ha kata ka jingiasam ia la u jong u pud u sam.

U Phrangsngi u jaw ki ummat haba u iohi ia u para ba u kynton ia kata ka jaka kaba u la ioh bynta. Hynrei un leh kumno—u la shu pait ka dohnud. Khatduh haba um nang shuh kumno un raf, u la dem khruh ha madan bad duwai ha U Blei na ka bynta ka jingleh u para. U la pan map na U Blei Nongbuh U Nongpynlong ba Un ri Un da ia la u para bad ia u ruh bad ba Un pynkiar ruh na kl jing-siew kiba ap kynrem ha ka jingim khnang ba ka jingiaiet shipara kan neh kan sah. U la khot ruh ia ka kmle bad u kpa ba kin ia sngap lem ia ka jingduwai jong u.

Ha ka por shiteng sngi, kl la lelt phai pat sha la iing. Katba kl dang iaiaid ha lynti kim shym la pynmih ktien ei-el, hynrei ki shu iapeit tang kl khmat uwei-ia-uwei.

Tang mar iarung hapoh iing, u Phrangsngi u la lynnhar kliang bad iam rangbah rangsan. Ka mynsiem jong u ka la kyndeh sah katba u dang pyrkhat ia kl ktien paula ba u kpa u la pynsngew ha ki baroh shipara shuwa ba un kblad kane ka pyrthei. Hadien u la pynhun ialade bad nled ia ki ummat ba tuid arsut ha ki arliang ngab.

Hynrei u Donsngi um i don jingsngewsih ne jingdlaw ei ei wat la u hynmen u long haduh katta. A! kaei kaba la pynlong ia u ban don ka dohnud maw ka bym patiw wat lada tied. U la leh mynleh bun kam ia lade da kaba lum ba lang ia ki tiar ki tar kiba u wan rah na sha Sor.

"Donsngi, hep baleit," la ong u Phrangsngi. "Sa kaei pat phi dang don ban ong ne pan?."

"Nga tharai, ka la biang katto," la jubab u para. "Nga ruh ngan mih noh kumne na kane ka iing bad ngan sa wan phai pat ynda ka dohnud basat ka la pjah."

Hadien khyndiat kynta, u Donsngi u la thep ha ka synduk ia ki tiar ki tar bad la ka tyngka babun ban leit phai noh sha Sor. U la ai khublei ia la u hynmen shuwa ba un mih na iing. U hynmen ha ka jinglung ka dohnud um nang shuh wat tang ban kren shikyntien ruh. Hynrei sa tang ki ummat sngewsih kthang ki tuid sah kum ka um ba mih na ka ktang ba or palt. U la pyrkhath shaphang la u para ba kumno u nud ban pynlah bad phai lyndet ia ka jingpyni jong ka kmle bad u kpa baleit.

U Phrangsngi u la ieng thapngab ha jingkhambah bad pelt isynei ia la u para uba rah bad ka synduk ha ka kti khlem da kyrtiang dien shuh. Tang mar iajah u para na ka jingiohi jong u, ka mynslem ka la kyndeh jur. Ha kata ka il-g ba weibricw u la aiti ia ka dohnud bapjah da kaba duwai ha U Blei na ka bynta ia lade bad ia la u para.

---

## Ka Bynta : 22

SHUWA ba ka sngi kan sep u Donsngl u la poi ha ka jaka kiew kali ban leit sha Sor. Katba ka kali kam pat wan, u la shong ha ka jaka ba ha kyndong. Hangta u la sei ia u bilor kiad uba dang dap na kaba u wan thied na shnong. Tang saw slen ang u pynlut kumba lai pawa na uta u bilor Hynrei, tang mar shiphang hi ka kali ka la wan. U la pynsangeh bad kiew ha kata ka kali. Ha khmat kita ki paitbah kiba don hapoh kali u leh kum uba peitmat eh: Hynrei ka kiad ka la nang trei kam kham kloï ha u Donsngi da ka jingkynoi ka kali. Tang shipor ka met ka phad jong u ka la jem kum ka wang shoh sngi. Ka ryngdang ka la nguh sha madan bad u la bun ktien marwei marwei. Hangta u la prie da ka jyndem kaba iew kiad hek hek. U la prie kumba saw ne san sien.

Ki briew hapoh kata ka kali ki la shu iapeit tang ka khmat khlem nud ang. Ynda la poi kumba 6 mer tam, ka jingprie u Donsngi ka la nang jur nang jur. Phin peit kaba bit hapoh ne kaba mih shabar. Ha kata ka por um sngew-thuh shuh ialade ba u don ha kata ka jaka, hynrei u sngew-kumba u don ha ilng. U plie kynsan ia kata ka jingkhlang kall ban prie shabar. Hynrei namar ba um lah kyrshan shuh u la hap shabar. Kita kiba iadon hangta ki la pyrshang ia kynrup hynrei kim lap ba kloï bad ki la lynñiar kliang katba lah. U nongñah ruh kumba kyndit u la kynrup kynsan ia ka nar sangeh (*brake*) bad ka kali ka la ieng skhek hajuh. Baroh kiba iadon hangta ki la iahlar khru-khru napoh kali bad leit khyllie ia u Donsngi, Hynrei ka mynsiem kam khib shuh bad ka met ka phad ka la bit da ka soam.

Mar mar ki la kit ia u Donsngi sha Sor bad leit rah sha *hospital*. Ki nang ki stad jong kata ka *hospital* ki la mareh sha ka jaka ba don ka met ba mynsaw. Ki la khyllie ia ka khlieh bad peit ia ka met ka phad ban wan rah pat ia ka mynsiem, hynrei u Donsngi u la thiah iap ryngkat bad ka snam kaba bit ha ka met baroh shirynieng.

Ha ka step kaba bud, u Phrangsngi uba don ha shnong u la iam rangbah rangsan haba u la ioh ia kata ka khubor ba sngewsih. Ka bneng bad ka khyndew ka la shu stem ngit-ly-ngit na ka jingiohi jong u. U la pyrtajam ia la u para bad ia la ka kmie bad u kpa. U la lymptajalade ha ka dieng. Haba kita ki nongwan ai khubor ki iohi ia ka jingpangnud ka jong u, ki la pyntngen ia u. Ynda u Phrangsngi u la tngen ka mynsiem, u la phah ong ha uwei na kita ki briew ban leit pyntip ia ki briew kiba ha kata ka shnong.

Hadien, u Phrangsngi lem bad katto katne ngut u la iapoi sha *hospital* ha kaba don ka met iap u para. Tang mar ia iohi ia ka khmat u para, ka mynsiem ka la kyndeh biang.

“Hep ! ..... Baieit !” u la lynñiar isynel bad piam, ryngkat bad ki ummat kthang ba jaw halor ka met u para. “Ka jngktwah jong phi nga la ai lut hynrei kaei kaba pynlong ia phi ban poi shane. Kynmaw hep nga long u hynmen baieit u bym lah ban klet ia phi.....”

Ki rangbah kiba iadon hangta kila ia pyntngen ia u Phrangsngi. Hadien kita ialade ruh ki la ia iam sngewsynel lem.

Hadien ba ka khubor ba sngewsih ka la pol sha ki shkor ka Darihun, mar mar ka la iathuh ia la u Kpa, bad ialade ka la mareh sha kata ka *hospital*. Ynda ka la poi hangta, ka shem ba ia ka met iap la pynmih ban leit rah noh sha shnong. Hapdeng kita ki rangbah ba ialum pyllun ia ka met u Donsngi, ka la iohi ia u Phrangsngi. Katno u thangieng ka dur khmat bad kumjuh ruh ki para shnong kiba iadon lang hangta da ka jingsngewsih kthang ia ka jingshem jyntar jong u. Hynrei khlem jingriej hapdeng ka jingleit ka la thom ia u paitbah bad leit tur shajan u Phrangsngi ban pyntngen ia ka dohnud ba pangnud. Sa shisien pat u Phrangsngi u um biang ka dohnud haba u iohi bad sngew ia ki ktien sngewlem ka baieit. Ki para shnong ki shu ang lyngngoh shiphang ia ka jingleh jong ka ia u Phrangsngi namar kim tip ia ka jingladei jong ki.

Ha kata ka janmlet, ia ka met u Donsngi la kit sha shnong da kata kajuha kali. Bad ha ka sngi kaba bud la leit rah ia ka met jong u sha lum ban pynkhuid. Ki kur ki jaid, ki kha ki man, u shnong u thaw, ki lok ki jor lem bad u bah Lumlang bad khamtam ka Darihun ki la iawan pyntogen bad pynshngaiñ ia ka jingshem jynjar u Phrangsngi.

Kumba 7 baje mynmlet, ka Darihun lem bad la u kpa ki la iamih na iing u Phrangsngi ban leit phai sha ka iing ba ka sah. Wat la ka iaiaid lang ryngkat ryngkat bad bun ki para marjan hynrei ka sngew ialade ba ka don marwei. Kumne sbilynter lynti ka pyrkhat ha lade kumno kan leh ban pynhun ia la u baieit. Hynrei katba u kpa jong ka pat u ialap khana ha kita ki briew ba iaiaid lang ba u wan sha kata ka jaka na ka bynta u paralok jong u, u Donsngi. Uha pli u kpa um shym tip ei ei haduh kata ka por ia ka jingmut ka khun.

Ynda u la poi ha iing, ka Darihun ha lade ka la rai kut ba la kumno kumno ka dei ban phla noh ha la u kpa ia ka jingleh bakla jong ka. Katba u kpa u la ioththiah lyngngai, hynrei ma ka pat ka khiih pisa halor jingthiah. Ka la kwah ban pynpaw noh ia kael ba ka la pun ha kata ka taiew, ka lynga ka jingmut ka jingpyrkhat ba ka miet ka slem ban shai.

Ha ka step kaba bud, ka Darihun ka leh dlaw leh khia ka met. U bah Lumlang haba u iohi ia kane, u la kylli balei ba ka leh sngewsih. Hynrei kam jubab bad ka shu pyndem tang u ñiuhmat. Na ka jingthangiong ka khmat jong ka u ngeit ba lehse ka khun ka don jingshitom ha ka met.

"Khun, phi sbitom kumno? Balei phi leh sngewsih? Ka jingleh jong phi ka pyndiaw ia nga ba ngan mih nangne, Iathuh seb, khang ba ngan tip. Ne phi sngewsih ba phim juh shane. Lada phi kynjah te ngan.....," la khroh u kpa.

Ha kata ka por ka Darihun ka la jaw ummat. Ka dem ha ki khohsiew u kpa bad khlem lehrañ ka khlei lut khoit ia ka jinglabakla jong ka bad u Phrangsngi. Hynrei, ki jing-

pynsgew jong ka ka la pynbitar lep ia u kpa. Haba u pelt ia la ka khun u ih ka dohnud, khamtam lei lei haba mynshuwa ruh ka la iathuh ha u. Kum ia kata ka jingjia um nang shuh ban pyrkhat da kumwei bad kumta um banse ban pynhun nob ia ka jingkwah jong ka. Ha kawei ka liang haba u pyrkhat shaphang u Phrangsngi uba don ka jinglong ba i rangbah bad ka khmat ba lul lui u sngewhun ban ioh pyrsa kurim kum ia u. Haba u tip ruh ba u Phrangsngi u dei uba la pyndep ia ka Matrik Nangta u la piam ia ia ka khun ryngkat bad ki ummat jong ka jingkmien bad hangta u la pynhun ia ka jingkwah jong ka. Ha ka jingshisha u kpa u da thrang dik dik ba ka khun kan ia poikha ha ka burom ka akor hynrei ka jingpyrkhat jong u ka la shu pulom. U la sngewbabe ialade ba um shym la kylli bniah ha kaba sdang shaphang u Phrangsngi.

Shisngi hadien, u Lumlang u la leit sha iing u Phrangsngi na ka bynta ka khun. Kum u kpa ka kynthei u la pynpaw ka jingsngewhun ha khmat u Phrangsngi kum u pyrsa kurim wat hapdeng kata ka jingshem jynjar. Ha kata ka liang u Phrangsngi u la pan map na u kpa ka kynthel ba ym dei tang ka Darihun kaba la jam palat pud ia ka hukum u kpa, hynrei ma u ruh kumjuh.

U Phrangsngi ha kajuh ka liang u la kohnguh ha khmat u bah Lumlang ban shimti ia ka Darihun kum ka toga jong u naduh kata ka sngi.

Ha kata ka sngi ka Darihun ka la leit sah ryngkat bad u Phrangsngi. Kane ka la pynlong ia u Phrangsngi ba un nym sngewblaw shuh. Wat la u don ryngkat bad ka Darihun teng teng u pangnud haba u poi kynmaw ia la u. para uba la shu khlad jyndat na kane ka pyrthei. Kumne um ju klet ban ialap shaphang ia u para ha ka toga lane ha ki lok ba lawan kai.

San sngi hadien ba u bah Lumlang u la sah ryngkat bad la ka khun ha iing u Phrangsngi, u la leit phai pat sha la iing ban rah ia ka khubor sha ka kmie-nah ka jong ka Darihun.

## II Ka Jingieit ba tang Shipor

Ha kawel ka shnong la don uwei u khynnah samla uba kyrteng u Russian. U long uwei na ki khun badon ba-em bad u khun tohmon jong ki kmie ki kpa. Ki kmie ki kpa jong u ki long ki bym ju iadel satia bad ki kup shiliang ki sem shiliang namar ka spah bad ka kyrdan.

U Russian naduh ka por ba u dang khynnah u la iaieit bad kawel ka para khynnah skul kaba kyrteng ka Sunitalin. Kane ka khynnah samla ka long kaba bhabriew haduh katta katta bad ka khun marwei kaba kohnguh sneng bad ba don burom jong ki kmie ki kpa. Ki kmie ki kpa jong ka ha ka jinglong baduk jong ki ki ju sien syntiew ia la ka khun ba ka long ka khynnah kaba donakor bad donburom ha ka riam ka beit, ka ktien ka thylliej ia kiba ha iing ha sem bad ia ki para marjan marpa kumjuh.

Ha ka por ba ki dang iadon ha skul u Russian bad ka Sunitalin kim ju iajogal ha ka iald ka ieng; haduh ba ka la pynlong kumba kim lab shuh ban iakblad ha ka jinglong samla jong ki da ki bun snem.



Ka Sunitalin bad U Russian



Ha man la ki por ba lait sha ki jaka tald kal ki ju lelt ban pynlut por. Kumjuh ruh hapdeng ki 'lawkynjah ki juh ban shong bam lyer. Harud ka wahduid ba kynjah briew bad ha ki lum shongkal bunsien ki pynpaw ia ki bun rukom ki sur jingieit. Hangta mar kylliang ki theb sei ia ka jingieit ba ki don ha ka dohnud basngur. Shuwa ba kin i-khlad sha la iing bunsien ki ju iateb kular ba haduh ki sngi khatduh ka jingieit hapdeng jong ki kan neh. Katba ka sngi ka sdang ban jah sha lyndet ki luto, ma ki ruh ryngkat sha la iing ki leit phal. Kumne ki ju pynlut ia ki por bakordor na kawel ka sngi sha kawel pat.

Ha kawel ka sngi, ka jingsngewsih ka la wan tap ha ka Sunitalin haba u kpa jong ka u la khlad noh na kane ka pyrthei. Kumta ka kmie jong ka ha ka jingrit bor bad jingbym lah kyrshan shuh ia la ka khun ban buh skul, kam banse ban pynpep noh ia ka na ka jingpule. Kane ka la pynlong ia ka Sunitalin ba kan duh noh ia la ka jinguang jingstad ban kiew shaphrang.

Katto katne bnai hadien, ka Sunitalin da ka jingbym banse ka hap leit bylla jakpoh da kaba leit shong shakri na kawel ka thliew-iing sha kawel pat. Kane ka la ktah jur ia ka met shong suk jong ka ha ki por ba u dang don u kpa. Ka jingim jong ka ha kane ka por ka la long kaba i sangsot haduh katta katta.

Kane ka jingjia baroh ka la pynlong ia ka Sunitalin ba kam banse ban pynpaw noh ha la ka kmie ia ka jing-iadel jong ka bad u Russian. Ka kmie shipor ka la thang-iong ngaiñ bad suhjer baroh shiryieng haba ka la ioh-sngew ia kane ka jing-iadel jong ka bad uta u khun riew-spah ki briew. Kane ka la ktah ia ka dohnud balung jong ka kmie haba kam shym la phohsniew mynno mynno ruh ba kin leit jia long kum kine kiei kiei ha ka khun bathep mynsiem jong ka. Kumne, katba ka khun ka nang khlei ha la ka kmie ia kiei kiei baroh, ki jingmut ka kmie ki wan ki leit ha ki jingphaloh ka dohnud.

Kane ka la pynlong ia ka kmie jong ka ba kan don ha ki ar jingmut : Kita ki long ba ka jingduk jong ka kam iaryngkat dor bad ka jingdon jingem jong u Russian bad ka-

ta u lah ruh ban ibeñ ia ka jingduk jong ka Sunitalin hadien habud. Kawel pat kaba wan ha ka jingmut ka kmie shaphang ka jingsuk ka khun jong ka na ka jingdon jingem jong u, lada ka jingieit bashisha bad nylla ki teh song hapdeng jong ki. Ka paw shai ruh ba ka kmie kam kwah ban pynsgewsih ne pynmong ia la ka khun khlieng kpoh jong ka bad ka rta jong ka hi ruh ka la kot sha ka jinglong samla ba paka. Kumta, khatduh ka la ai jingmut ia la ka khun ba kan leit iakynduh bad iapuson bad la u jong u baleit shaphang ki lyngkor jong ka jinglong kmie long kpa.

Te katba ki snl ki nang iald lait ha ka mon ba kylluid jong ka Sunitalin, pynban kam tip lypa ba la thaw ki lad ban pakhang ia ki lynti ba khang lad jong u Russian.

Ha kawel ka snl ka Sunitalin ka la leit iashem ia la u jong u baleit. Hangta hadien ba ki la iakren kai kumba shi kyntien kwai ne; ka Sunitalin ka la siat ia ki 'sal syiang ha u Russian ia la ki jingjia bad ki jingsgew kiba ka don baroh. Hynrei ki kyntien jong ka ki la dung ia ka shyllipnud jong u. Ka shlem jingieit hapdeng jong ki ka ial rhem

Hangne u rangkhatar bor uba kit uba bah, uba ker uba da ia ki kynthel ki khyannah u la dei ban mynjur ia ki jingangnud jong ka baroh bad kumjuh ruh ban leit ai ktien ha la ki kmie ki kpa. Kumta ynda ki la khlieng ia ki jingmut jingpyrkhat ba ki don ha ka dohnud, ki la iapiam mar kylliang hapdeng ka jingieit batlem.

U Russian da ka jinglynga bad jingpisa ka jingmut jingpyrkhat u la leit phai sha la iing ban pynpaw ha khmta ki kmie ki kpa shaphang ka jingiadel jong u bad kata ka samla. Hynrei ka kmie jong u ka tang shu tip ia kata, ka dohnud jong ka ka la sat sia bad ki khmat ki la kiew saw. Ka dap da ka jingshaifong ngaiñ haba u khun phrangsnl jong ka u nud ban leit tur bad iajuh kum ia kata ka khun duk ki briew kaba leit shong shakri bad ap jakpoh na thliew iing ki brlew.

U kpa jong u Russian u la khroh bad pynl ia u ba un kblad noh shisyndon na ka. Namar dei u kpa uba tip bad uba la iohi lypa ia ka pyrtel kaba itriem bad ki por ba shad

kynting. Kumjuh ruh dei ma u uba seng ia ka long ryn-ieng.

"Pyrkbat ko khun phrangsngl." la ong u kpa ia u Russian, "lada khlem tip ngam nud ban ong namar dei ma ngi ki kmie ki kpa kiba la mad ia ka khia ka shon. Khamtam ma phi ko Russian, u khun riewspah katba ma ka pat ka khun baduk, kynmaw ba naduh mynta phim dei shuh ia ka ban leit khroh ne iajuh iajem."

"Hooide Pa," la jubab u Russian ryngkat bad ki ummat ba tuid arsut ha ki arliang ngab. "Ki ktien paila jong phi kin rung ha ka dohnud ba sakma jong nga. Naduh mynta hi nga dei ban bat kyndong ia ka jingsneng jong phi."

"Pelt khun" la kem ktien sa ka kmie," lada ma ngi ki kmie ki kpa ngi khlad noh na kane ka pyrthei, mai o pat ban khroh ne sneng ia phi. Hynrei, lada phi duh ia ka mynta, ki thei bhatrew phi lah ban ioh. Shsyndon phi dei ban khlad noh na ka kam pher wat la ka dur ba bhabriew jong ka ka long kum ka puri blei."

Da ka hukum ka kmie bad u kpa, u Russian khlem pynlah u la leit ban iakynduh khatduh ia la ka samla baieit. Hapdeng ka lawkynjah ia la ka baieit u leit ban iashem. Hangta tang argnut hi ki sel la ki sur jingieit. Khatduh. ka poi ka kynti ia u Russian ban pynpaw ia ka jingieit ba la spaiñ ba da lei lei un ym lah klet, wat lada kiwei kin pynphet u kut jingmut ba katba ki khlur ki dang phyrnai ma u ia ka un iai kynmaw.

Ka khmat ba thei ong jong u ha ka ka paw. Ma ka ruh khlem riej hapdeng ka jingieit ka la kylli aiu keiñ u baieit u thmu. Wat la kaba dei ne lait ka kloï ban pdiang. Hynrei shuwa ba un phla shai ha ka, ka dur khmat jong u ka la iong kum u priog ba la ka jingieit ba la neh slem, kiwei ki waa pynthut.

U Russian u la piam bad kdup la ka ryngkat bad ki ummat kthang kiba tuid arsut ki arliang ngap. Hapdeng ka jingieit ka Sunitalin ruh ka khib tik.

"Sunitalin baieit, bunsien nga iai kwab ban pynbiang ia ka dohnud ba sliang jong phi," la ong u Russian.

"Hynrei bunsien nga iai kthang ba bun slen ki lad ia nga ki khang. Phi tip shai ruh ba nga long uei ..... ha ting bad i pa i mei bad ka por hi kam pat shah ba ngan leh kum u rangbah."

"Baieit," la ban ktien ka Sunitalin. "Shael phi thmu kumta," ka la kynriah artat na u.

"Sunita! Sunita! ba . . . . ." la khroh u Russian bad u bat ia ka na ki ksangti. "Bafait jong nga, da ka jingbymbanse nga pynpaw ha phi ba im mon i mei i pa. Phi tip ba ha ki nga theh ia jingim jinglap, te la dei ne lait ia ki ngam b.t ban pynlah."

Kumne ia ka mynsiem ba pdang jong ka hor pa hor u syrpa. Wat la ki ummat ki jaw hynrei u kular ban kynmaw ba da lei lei un ym klet haduh ki sngi khatduh.

Na ka ki ummat sngewsih ki tuid bad ka dohnud ka khib tik. Da ka jingieit batlem ia u ka nguh ka dem khatduh.

"Ani, ko Bah," la ong ka Sunitalin, "ngan phet pat shael? Nga ruh ia ki ban pynlah ngam kwah hynrei jingieit jong ngi katto la biang bad ngan nym ioh shuh wat la nga sliang."

"Kein noh seh felt," la khroh u Russian bad u la pyniad artat ia ki ummat jong ka. "Wat la ki ummat ksiar jong phi ki tuid naduh ka kut shadem, ngan pyrshang katba lah ban pynngen. Hato kumno kein ngan lah ban shong bad im bad i mei i pa? Jngai jngai bah na ka jingiohi jong phi—bad ngan sa shu long tang kum u dleng u bym don syrngiew."

Ha kata hi ka por u slap u la theh, hynrei ia ki da kumwei pat. Ki syntiew bad ki sla dieng ki la hap na ki tnat da ka jingbeh ka Iyer. Ki sim sohphoh shijur nangta ki phet noh bad kumjuh ka wahduld hangta bajan ka ud shla da ka sur ka jingpangoud. Tang jem u slap, ki ksangkti jong ka u pyllait.

Sa shisien pat u la ong ba kan phai khatduh khatwai sha la u baieit uba lehse kan nym iakynduh shuh. Ma ka ruh ka phai wak sha u bad kumjuh ma u ia ka u piam. Nangta khatduh jingieit ka shon bun phew wat haduh bym lah ong bad mar kyliang ia ummat ki iaiad.

U Russlan u la pynsgew ha ka ba la mynta kan nang shong suk shong palei bad la ka kmie. Ma u hi um don jing-hun ban shu sngap, hynrei un pyrshang suki ban pynsgew-thuh ha la ki jong ki kmie ki kpa ha kata ka jingladei hpdeng jong u bad ka Sunitalin. U don ka jingkyrmen ba ka jingladei hpdeng jong ki ka lah ban wan phai pat sa tang ka jingpynlai bastad U Blei Trai Kynrad, namar ha ka jingim ki briew teng teng kam ju poi beit katkum ka jingkwah ne jingthmu jong ki.

"Khublei Sunita," la ong u Russlan, "U Blei Trai Kynrad Un don ryrngkat bad phi lem ruh bad nga. To ngin pyntyllun la ki jingduwal ha U ba Un pynpalei ia ki jing-mut jingpyrkhat jong ngi.

Ka Sunitalin katba ka nang jam suki ka da kyrtiang dien artat sha la u baieit. Kumne ki pyllait khatdub iawal i'u kynjri jingieit. Ma ka sha i trep rit ba kynjah ka phai bad kumjuh ma u sha ing paki dulan. Ki kyrtiang dien artat iaiaid tad haduh ba u lyoh badum ka jingieit u kah.



### III. Ki Sur Pangnud (Ki Poitri)

#### (a) NGA KHIH PISA

Ko lyoh badum wat kah jingshal,  
Jing'eit sha I ba ngan leit ai;  
Lada nuslp te kam iathoh,  
Tang ha syrnglew in shu jah noh.

Na nga bunsien ummat ki jaw,  
Haba ia I nga poi kynmaw;  
Bad bun ki ong ba nga pang swai,  
Hynrei kim tip ba nga khuslai.

Ym don kiwei pat ban syrpal,  
Ne ban pynjah dohnud khuslai;  
Ym don maw thew ne maw kilo,  
Ban thew jingieit nga don katno.

Nga khih pisa mlet la bad sngl,  
Katba ka paw ka dur jong I;  
Hynrei khatdub dohnud ka tngen,  
Haba jubab bathiang nga shem.

---

(b) PHLA HOK HA NGA

To phla hok seh baicit ha nga,  
Ba ioh na nga phi iaid sakma;  
Marwei ngam lah ban shong pyrkhat,  
Ioh ia mynsiem jong nga phin prat.

Baicit ia nga phi la tip hi,  
Haba nga don jingieit ia phi;  
Katno jingeh marwei nga len,  
Namar ia phi ba ngan pyntngen.

Ngam don jinghun ban shu bret kai,  
Ia ka jingieit ki por janai;  
Katba ma phi pat phim pyrkhat,  
Haba shawei ki khmat phi shat.

Jingleh jong phi ki ngam jylliew,  
Daei sha ieit ia phi ngan siew;  
Lada shawei phi don lyn ti,  
Nga hi ngam don hok ban pynl.



(k) NGA MUT JINGIEIT PHIN IA KHEIN KOR

Marwei nga ud bad jaw ummat,  
Haba jingieit mynta phi dkhat;  
Shisba ngam tip kael ka daw,  
Namar ha nga phim shym pynpaw.

Nga mut jingieit phin ia khein kor;  
Hynrei kurane phi die tad dor;  
Jingsngew sarong bad ka sngewheh,  
Phi dkhat noh ia jingleit ba neh.

Ki briew ki ong del i jong nga,  
Katba jingmut pat ym sha nga;  
Nga mut phin deng jingleit shirta,  
Hynrei mynta phi shet kylla.

Baieit man la ka por nga ong,  
Tang i jong nga hl phi lai long ;  
Katto jingleh jong phi la biang,  
Nga ai khublei ia phi kyliang.

---

(d) NA KA UN KHLAD

Ka Thel ka khun tipsngl ki briew,  
Ka dap tang jinglynggoh wei briew;  
Katba jingieit ka dang phylliew,  
Ha u bah Rang, u khun bhabriew.

Khatdub ma u kumno un ong,  
Ia ka kong Thel, baieit la jong ;  
Haba ki kmie ki kpa ki khang,  
Ia u bad ka ba kin ialang.

Katba arngut ki dang iald ka,  
Sbarud ka pung kaba phyrnai ;  
Hapdeng dohnud kaba kyndeh,  
Ia la jingieit kyliang ki theh.

Haba ka dur thangiong u phong,  
Kyhdit ka Thei ka lip ka rong ;  
Bapli kam tip kaei kah jia,  
Katba ma u u khiih pisa.

Mar shikyntien ha ka u khlei,  
Ryngkat ummat na u ki shlei ;  
Namar u dei ban khlad shuwa,  
Naba kim suk ki kmie ki kpa.

Shipor ka ieng thapngur khlem kren.  
Katba ia ka u dang pyntngen ;  
Hynrei kynsan ka piam ma ka,  
Imat kumba ha jingruma.

Ma u kumjuh u jaw ummat,  
Ba i'u kynjri jingieit un bthat;  
Wat la kl por iajuh kan phet,  
Junom jingieit ia ka um klet.

Khatduh u pan jingieit iakut,  
Ia ka ha la shadem u kdup;  
Nangta soit sha la iing ka phai,  
Na khmat jong u ka sa phet jngal.

— — —

#### IV. NGIN SA IA SHEM PAT

[ *Ha ka por Janmiet ; Ka jinglakren ka Thei-Thei bad u  
Bah Deng* ]

*Thei-Thei :* Bah Deng, kael phi mut ban ong,  
Hato dohnud jong phi ka mong ?  
Nga hap kyli la phi kumta,  
Namar durkhmat jong phi ka khia.  
Ngam hun ngam suk khlem tip ka daw,  
Nga kwah ha nga ba phin pynpaw;  
Lada ka long ban pyrkhathang,  
Lehse nga lah ban weng jingthang.

*Bah Deng :* Ngan ong au Thei-Thei la phi,  
Kael kan jia jingieit jong ngi ;  
To leh jingjia ngan tip tang nga,  
Ban tip ma phi nga sngew kam bha.  
Kumta ha phi ngam sngewnud ong,  
Dohnud jong phi lehse kan mong ;  
Imat mynta dei sngi khatduh,  
Ma nga bad phi ban lakynduh.



*Thei-Thei :* To al kano kano kan jia,  
Hynrel ha nga phi del ban phia ;  
Kumba jingleit janai nga ai,  
Kumta na phi nga ap jingshal.  
Jutang jingleit ba ngi lateh,  
Phi kular shai ba kan iainch ;  
Kumta la nga to lathuh lem,  
Namar dohnud jong nga ka rhem.

*Bah Deng :* Shisha la phi ngam lah ban len,  
Katno jingleit ba dap jingkmén ;  
Mynta ka wan ka por ha nga,  
Bad sngl bad mlet nga khiih lynga.  
Kumba phi tip samla nga long,  
Bad la i Mei i Pa nga shong ;  
Kumta mynta ngan khlad na phi,  
Namar ban blang shuwa ma ki.

*Thei-Thei :* A ko Lurshal ! Balei kumta ?  
Na nga phi ong ban khlad shuwa ;  
Kata ka paw ba phi leit kai,  
Wat la jingleit shisha nga ai  
To koit, kam pher la nga sangsot,  
Ka mon bajwat, ka soh kyrdot ;  
Nga nang sarong ha la jinglong,  
Ba phin kit lem nadong shadong.

*Bah Deng :* Kelñ seh, wat ong la nga kumta,  
Sngap ngan lathuh ia jingshisha ;  
Kumba nga la ju ong la phi,  
Jingleit ka shlei mlet la bad sngl.  
Haba nga don sha jngal na phi,  
Jingmut shaphi ki ngam ki jngl ;  
Hynrel hapteng kata ngan phia,  
Mynta im mon i Mei i Pa.

*Thei-Thei :* Pleng ! del kane jingieit shukor,  
 Bym tip lypa lano kan tlor ;  
 Shaei ngan rieh shaei ngan shong,  
 Aiu ki briew ia nga kin ong ?  
 Dohnud ka mong ummat ki lang,  
 Mano ban i katno nga kthang ;  
 Keiñ noh katto jingieit la biang,  
 Nga la jah kwah, wat la nga shiang.

*Bah Deng :* Da sngap, da sngap wat num bitar,  
 Jingsneng ba iing ngan da bishar ;  
 Ki ong: "ka skul pyndep shuwa...."  
 Ba ngan ioh kam ban dup shem bha.  
 Ka dei ne lait, rai lem ma phi,  
 Hato ngim dei ban sngap la ki ?  
 Phi ruh la jingpule ban dep,  
 Ka duk, ka thngan kan nym kyrthep.

*Thei-Thei :* Mynslem ka thiah na jingkyndeh,  
 Haba nga sngap ki kam ban leh ;  
 Hooïd, ka dei sa tang ar snem,  
 Ka skul ngin dep, jingsuk ngin shem.  
 Kam don jingpher shaphang kata,  
 Namar jong ngi kan wan jingbha ;  
 Kawel na phi nga dem kyrpad,  
 Wat al jingleit jong ngi kan blad.

*Bah Deng :* Ia phi ko Thiang ngam lah ban klet,  
 Wat la nga don jngai ne lyndet ;  
 Juban kumba ngi la ia kblei,  
 Wat al ba kan mulot sepei,  
 Ai ba kane ka por janmiet,  
 Kan sah kynmaw ka jingialeit ;  
 Na sahit bneng ki khlur, u bnai,  
 Kin ieng sakhi jingieit janai.

*Thei-Thei :*      Ki sngi iajuh ha nga kin paw,  
                          Haba ia ki ngan iai kynmaw;  
                          Ryngkat arngut jingngen ngin mad,  
                          Ngin mad haduh bym don jingblad.  
                          Kito ki por ba ngi iajuh,  
                          Nga artatien ioh ngam ioh shuh:  
                          Lane la nga hadien phim kheĩ.  
                          Kynthei batlot phi lah ban beĩ.

*Bah Deng :*      Wat buh jingmut keĩ Thiang kumta,  
                          Ba ioh kam poi shuh ka jingbha;  
                          Ki por iajuh kin sa wan biang,  
                          Hangta phin hun mynsiem ba sliang,  
                          Kumta na shnong lashai ngan mih,  
                          Shajngai ngan leit jingstad han tib;  
                          Wat la ngan don sha jngai na shnong,  
                          Jingngen ngan ioh kumba phi ong.

*Thei-Thei :*      Bah Deng to khie leit suk leit biang,  
                          Ka jingkitbok jong nga to pdiang;  
                          Wat la ki sngi ki ia ki jlan,  
                          Kam pher haba jingleit ka jan.  
                          To ngin duwai h'U Blei U Trai,  
                          Ia ngi un ri bad Un sharai;  
                          Ngin iaid tipblew ngin im tip Blei,  
                          Ban sah pyrto ha sla pyrthei.

*Bah Deng :*      Ianoh keĩ Thiang ka por la dei,  
                          Ngin ialeit phai sha la rympei;  
                          To pynpalei jing-artatien,  
                          Ngan sa iashem iaphi hadien,  
                          To khie thiah suk mynta ka miet,  
                          Sha la ka thong ban jop ngin khmied ;  
                          Ynda kamram ngi la pyndep,  
                          Jingsuk jingsaiĩ kan wan khlem pep.

*Bah Deng &  
 Thei-Thei :*      Blei Trai Kynrad kyrkhu la ngi,  
                          Lynti jingbha to btin lynti ;  
                          Jingieit batlem baneh ngin bat,  
                          Haduh ki sngi ban iashem pat.







*K. W. Nongrum*

## KA PUNG KA JINGIEIT

- ka pung ka jingieit
- ka jingieit ba tang shipor
- ki sur pangnud (ki poitri)
- ngin sa iashem pat



Da u juh u Nongthoh:—

- (1) U Shanbor bad u Wadbor
- (2) U Mawjam Jingstad
- (3) Ki Kot Khubor bad ki Kot Khasi
- (4) Ka Kot thoh Dak—Klas 'A'
- (5) Ka Kot Thoh Dak Klas—'B'

KA SIEN SHON KABA LAI — (1981)

KA DOR Rs. 5.60

---

LA SHON HA SCORPIO PRESS MAWKHAR,  
SHILLONG-793 001